

**Зайниддин ЭШОНҚУЛОВ**

# **ЗИЁРАТ ОДОБЛАРИ**



Тошкент 2015

**УЎК: 291.35**

**КБК: 86.38**

**Э 99**

*Инсонлар ҳаёти бевосита зиёратгоҳлар билан боғлиқ. Кишилар ўтганларни зиёрат қилиш, қабристонлар, қадамжоларга тез-тез бориб туриш ҳаётларининг ажралмас қисми эканини эътироф этадилар. Мустақиллик йилларида юртимизда кўплаб олиму фозиллар мақбаралари обод этилиб, сўлим ва серфайз масканларга айлантирилди. У ергарга маҳаллий аҳолидан ва яна дунёнинг кўплаб мамлакатларидан зиёратчилар келмоқдалар. Бу эса зиёрат тартиб қоидаларига, одобларига доир кўплаб саволлар келиб чиқишига сабаб бўлмоқдада. Шунинг учун оммага зиёрат одобларини тушиунтириши, уларга бу борада керакли тавсияларни доимо бериб туриши лозим.*

*Умид қиласизки, ушбу китоб бу борада ҳалқимиз, айниқса, ёш авлод учун фойдали бўлади.*

*Китоб “Кексаларни эъзозлашаш иши” дастури доирасида нашрга тайёрланди.*

**Эшонқулов, Зайниддин**

*Зиёрат одоблари / З. Эшонқулов; масъул мухаррир: Мухаммад Бобур Йўлдош. – Тошкент: Movarounnahr, 2015. – 52 б.*

**КБК 86.38  
74.200.51**

*Масъул мухаррир:  
Муҳаммад Бобур Йўлдош*

*Ўзбекистон Республикаси Вазирлар Маҳкамаси  
хузуридаги Дин ишлари бўйича қўмитанинг 1281-рақамли  
хуносаси асосида нашрга тайёрланди*

**ISBN 978-9943-12-330-4**

© Зайниддин ЭШОНҚУЛОВ.  
© «Movarounnahr», 2015.

“Тарихий хотира – бу умр мазмунини, авлодлар ўртасидаги ворислик түйғусини, уларнинг бир-бирига дахлдор эканини, ҳәётнинг бамисоли узвий ҳалқалар каби кетма-кет боғланишини англаш, тарихдан хулоса чиқариб, бугунги күн учун түғри йўл танлаш, ота-боболаримизнинг руҳи покларига ҳурмат билан қараш, миллий қадрият ва анъаналаримизни топташга йўл қўймаслик, уларни кўз қорачиғидек асраш демакдир”.

**Ислом КАРИМОВ**

### ЗИЁРАТ

“Зиёрат” сўзи луғатда қасд қилиш, ташриф буюриш, кўргани бориш деган маъноларни англатади. Унинг истилоҳий маъноси ҳам луғавий маъносидан айро бўлмай, урфда зиёрат деганда бирор ерга ёки шахс хузурига бориш тушунилади. Масалан, муқаддас жойларга, мозор ва қабристонларга бориб, муайян амалларни бажариб келиш. Аллоҳ таолонинг ризолигини истаб мусулмон биродарининг ҳолидан хабар олиш.

Биринчи маъно борасида қуйидаги ҳадислар ривоят қилинган: Бурайда ибн Хусайб (розияллоҳу анху)дан ривоят қилинади: «Расулуллоҳ (соллаллоҳу алайҳи ва саллам): «Сизларни қабрларни зиёрат қилишдан қайтарган эдим. Энди уларни зиёрат қилинглар», дедилар» (*Муслім ривояти*).

Ойша онамиз (розияллоҳу анҳо)дан ривоят қилинган ҳадисда:

«Албатта, Расулуллоҳ (соллаллоҳу алайхи ва саллам) қабрларни зиёрат қилишга рухсат бердилар», дейилган (*Ибн Можа ривояти*).

Иккинчи маъно борасида ҳам кўплаб ҳадислар мавжуд. Жумладан, Абу Хурайра (розияллоҳу анҳу)дан ривоят қилинади: Набий (соллаллоҳу алайхи ва саллам) айтдилар: “Қачон бир киши биродарини беморлигига кўргани борса ёки зиёрат қилса, Аллоҳ таоло унга: “Сен яхши инсон бўлдинг, сенинг юришининг ҳам хушҳол бўлди ва жаннатдан бир манзилни эгалладинг”, дейди”.

Одатда, қабрлар, муқаддас жойлар, солиҳ кишилар, биродарлар, bemorlar зиёрат қилинади. Ушбу зиёратлардан ҳар бирининг ўзига хос тартиб-қоидалари, одоблари мавжуд. Куйида уларнинг ҳар бирига алоҳида тўхталиб ўтамиз.

### ЗИЁРАТГОҲЛАР ФАЗИЛАТИ

Муқаддас жойларни зиёрат қилиш одамларни ёмон йўллардан узоқ юришга, инсофли-диёнатли бўлишга, ўзидан фақат яхшилик қолдириш сингари хайрли ишларга чорлаган. «Алпомиш» достонида қўйидаги таъриф келтирилadi: «Вақт-бевақт киши бир мозорнинг ёнидан ўтса, чап оёғини узангидан чиқариб, мозордаги одамларнинг ҳаққига дуо қилса, бул ҳам сахий, агар ким мозордан ўтганда, чап оёғини узангидан чиқармай, мозор аҳлининг ҳаққига дуо қилмаса, бул ҳам баҳил экан».

Зиёратгоҳларни ўрганиш бир вақтнинг ўзида меъморий обидалар тарихини тадқиқ этишда яқиндан ёрдам беради. Шу билан бирга халқимизнинг кўп асрлик эътиқодий қарашлари, урф-одатлари ва анъаналари ҳамда моддий маданиятининг нодир намуналарини ўзида сақлаб келаётган муқаддас зиёратгоҳлар меъморчиликнинг асрий ва анъанавий жиҳатларини ўзида мужассамлаштиргани билан ҳам

кейинги давр меъморчилиги учун мустаҳкам пойдевор бўлиб хизмат қиласи. Бинобарин, зиёратгоҳлар азалий қадриятларимизнинг асл намуналарини ва анъанавий миллий урф-одатларимизни ҳам ўзида мужассамлаштирган. Зиёратгоҳларнинг ҳар бири маълум бир туман, қишлоқ ва маҳаллаларда яшовчи маҳаллий аҳоли турмушида ҳамда уларнинг диний қарашларини ифодаловчи маскан сифатида муҳим аҳамият касб этади. Ўрта Осиё ҳалқларида қадимги даврлардан бошлаб инсонлар ҳаётидаги энг муҳим воқеаларнинг аксарияти муқаддас жойларни зиёрат қилишнинг самараси сифатида эътироф этиб келинган ва майший ҳаётдаги шахсий муаммолар билан боғлиқ эътиқод шакллари асрлар давомида шаклланиб, ментал қиёфага доир бошқа муҳим жиҳатларга, жумладан, она юрт, ота-боболар руҳи покига эъзоз ва ҳурмат одобининг шаклланишига таъсир кўрсатиб борган.

Бундан ташқари, аҳолида меҳнатсеварлик хислатларини кучайтиришда зиёратгоҳлардаги авлиёлар ҳаёт тарзи муҳим аҳамият касб этади. Улуғ зотларнинг авлиёлик даражасига етиши асосида тинимсиз меҳнат ётганлиги боис аҳоли ўртасида меҳнатга бўлган муносабат авлиёлар ҳаётига тақлидий равишда кечган. Бу қарашлар Баҳоуддин Нақшбанднинг «Дил ба ёру, даст ба кор» шиорига ҳамоҳанг ҳолда олиб борилган. Муқаддас қадамжолар билан боғлиқ ҳалқ қарашларида аввало поклик бош мезон бўлиб, дилозорлик, бирорлар ҳақига кўз олайтирмаслик, фоҳишабозлик, ичкилиқбозлик каби қабиҳ ишлар қаттиқ қораланган.

Ўтганларни ҳурмат билан ёдлаш қон-қонимизга сингиб кетган. Бундай ҳурмат намунасини, мисол тариқасида, буюк бобомиз Амир Темур қылган ишларда кўришимиз мумкин. Соҳибқирон Амир Темур Аҳмад Яссавий ва Қаффол Шоший каби улуғ зотлар қабрлари топталишининг олдини олиш мақсадида мақбаралар қурдирган.

Айни пайтда ушбу ҳурматнинг узвий давомини муҳтарам Юртбошимизнинг маданиятилиз ва миллий маънавиятилизни қайта тиклаб, асл ҳолига қайтариш борасида олиб бораётган ишларида кўрамиз. Юртбошимиз истиқлолнинг илк давридан бошлаб дунё маданияти хазинаси ва муқаддас динимиз ривожига улкан ҳисса қўшган буюк алломаларимиз мақбараларини қайта қуриб-тиклаш, таъмиrlаш ишларига алоҳида эътибор қаратдилар. Бунга мисол сифатида Самарқанддаги Имом Бухорий, Бухородаги Баҳоуддин Нақшбанд ва Абдулхолик Фиждувоний мажмуалари ва Тошкентдаги Муҳаммад Қаффол Шоший – Ҳазрати Имом мажмуаси қайтадан тикланганини эслаб ўтиш кифоя.

Хар қандай инсонни қадрлаб, ҳурматини ўз ўрнига қўядиган доно халқимиз хотирани муқаддас туйғу деб билади. Юртбошимизнинг ташабbusлари билан мустамлакачилик даврида Ватанимиз истиқлони учун курашиб, оқибатда қатағонга учраган аждодларимизнинг ҳурматини жойига қўйиш мақсадида республикамизнинг барча ҳудудларида хотира майдонлари барпо этилди.

Яхши ниятлар ила ана шундай табаррук зиёратгоҳ, қадамжо ва азизу авлиёлар қўним топган масканларни зиёрат қилишга отланарканмиз, зиёрат одобларини ўрганиб уларга амал қилсак, мақсадга мувофиқ бўлади.

## ИСЛОМ ДИНИДА ЗИЁРАТГА БЎЛГАН МУНОСАБАТ

Ислом динида дастлаб қабрларни зиёрат қилиш ман қилинган эди. Негаки, жоҳилият даврида араблар мусибат етганида Аллоҳнинг тақдиридан норози бўлиб, ғазабланишар, қабр тепасига бориб оҳу воҳ қилишарди. Шунинг учун ҳам Расулуллоҳ (соллаллоҳу алайҳи ва саллам) сахобаларини фитнадан сақлаш учун қабр зиёратидан қайтарган эдилар. Кейинчалик сахобаи киромлар қалбларига имон чукур ўрнашиб эътиқодлари мустаҳкам бўлгач, уларга қабрларни зиёрат қилишга рұксат бердилар.

Барчага маълумки, инсон доимо ўлимни эслashi, бугунми, әртами унга йўлиқишини ёдда тутиши лозим. Бу иши уни кўп яхшиликлар қилишга ундейди, нафсини эса покланишга олиб келади. Умар (розияллоҳу анҳу)-нинг узукларига ҳам «Ўлим ваъз-насиҳат олишга кифоя қилади, эй Умар», деб ёзилгани ривоят қилинган. Ўлимни эслаш учун энг қулай жой эса қабристондир.

Юқоридагилардан маълум бўлдики, қабрларни зиёрат қилиш даври саодатдан бери давом этаётган, бевосита Расулуллоҳ (соллаллоҳу алайҳи ва саллам)нинг кўрсатмалари билан машру бўлган амаллардандир.

Лекин вақт ўтиши билан кўплаб шаръий ишларда бўлгани каби қабр зиёратида ҳам турли бидъатлар кўрина бошлади. Тўғри ишлар нотўғриси билан аралашиб кетди. Натижада уламолар айнан ушбу мавзуга ҳам алоҳида тўхталиб, машруни номашрудан, суннатни эса бидъатдан ажралиб туриши учун қоидаларни ўрнатдилар. Шундай қилиб, амалга оширилаётган зиёратлар уч навга бўлинди: шаръий зиёратлар, бидъат аралашган зиёратлар ва ширк зиёратлар.

Шаръий зиёратдан охиратни эслаш, қабрда ётган кишининг ҳаққига дуойи хайрлар қилиш ва суннатга эргашиш мақсад қилинган бўлади.

Бидъат аралашган зиёратларга асли шариатда қайтарилмаган, лекин қабрлар олдида қилишга рухсат берилмаган ишларни амалга ошириш киради. Масалан, улуғ зотларнинг қабрини муқаддас, Аллоҳга суюкли жой деб хисоблаб, у ерда намоз ўқиш ва бошқа ибодатларни қилиш каби ишлар. Бу ишларнинг мумкин эмаслиги борасида бир неча ҳадислар келган. Жумладан, Ибн Умар (розияллоҳу анҳу)дан қилинган ривоятда:

“Пайғамбаримиз (соллаллоҳу алайҳи ва саллам) етти ўринда намоз ўқищдан қайтардилар: ахлатхонада, қассобхонада, байтуллоҳ устида, қабристонда, йўл ўртасида, ҳаммомда, түяning қўтонида”, дейилган.

Ширк зиёратлари эса шариат қоралаган, ақидага зид бўлган ишларни қилишдир. Масалан, қабрларни

улуғлаш, улардан мадад сўраш, улар учун қурбонлик, назр қилишга ўхшаган ишлар. Аллоҳ таоло учун бажариладиган амалларни қабрда ётган банда учун қилиш эса очиқдан-очиқ ширкдир.

### ЗИЁРАТ ОДОБЛАРИГА ЗИД ИШЛАР

Халқимиз азал-азалдан олим, фозил, солих инсонларнинг ҳурматини жойига қўяди. Ҳатто улар ўтгандан сўнг ҳам қабрларини обод этиб, зиёратгоҳга айлантирадилар.

Бугунги кунда юртимизнинг барча жойларида обод зиёратгоҳлар, қадамжоларни кўриш мумкин. Зиёратгоҳларимизга, нафақат ҳамюртларимиз, балки дунё бўйлаб сайёҳлар, зиёратчилар ташриф буюрмоқдалар. Аксарият кишилар у ердан ўзларига руҳий сокинлик топиб, турли хил бидъат-хурофотларга яқинлашмай зиёрат қилиб кетмоқда. Лекин айримлар зиёрат одоблари, қонун-қоидаларини билмаганликлари туфайли шариатга мос келмайдиган, ишларга ружу қўймоқда. Ушбу бидъатлар бир неча кўринишлардан изборат бўлмоқда. Жумладан:

– қабрдаги кишидан ҳожатини сўраш. Бу шариатдан энг узоқ зиёрат кўринишидир. Бунда ўтганлар руҳидан мадад сўралади, ишларида қўллаши тиланади. Шунингдек, қабрларга қараб сажда қилиш, уларни ўпиш, силаш, тавоғ қилиш ҳам шу навдаги бидъатлардандир;

– қабрдаги кишининг номи билан Аллоҳдан ҳожатини сўраш. Бу амал ҳам бидъатлар туркумига киради. Чунки бундай тавассулларга Аллоҳ изн бермаган. Бу амал динда рухсат берилган Расулуллоҳ (соллаллоҳу алайҳи ва саллам), пайғамбарлар (алайҳимуссалом), саҳобаи киромлар ва бошқа муқарраб бандаларни васила қилиб дуо қилишга қиёсланмайди. Чунки баъзилар василани биз оми халқнинг илтижоси Аллоҳга этиб бормайди. Шунинг учун ўз истак ва хоҳишларимизни муқарраб

бандаларга ҳавола қилиб, сүрайдиган нарсаларимизни улардан сүрашимиз керак, деб тушунишади. Бу эса очиқ жаҳолат ва буюк шахсларни илохийлаштиришdir;

– қабристонларни дуо қабул бўладиган жойлар деб ҳисоблаш. Яъни масжидларда қилинган дуодан кўра қабристонда, буюк инсонлар мақбараси олдида қилинган дуо афзal ва тезижобат бўлувчи деб ҳисоблаш;

– қабристонларда шам ёкиш, таом пишириб ейиш, дараҳтларига латта боғлаш, тупроқларидан олиб кетиш ҳам киши сақланиши лозим бўлган бидъатларга киради.

Демак, зиёрат қилувчи киши қилган зиёратидан савоб олишни умид этса, юқорида саналган бидъатлардан узоқ бўлиши лозим.

## ЗИЁРАТ ҚИЛУВЧИ ЭЪТИБОР ҚАРАТИШИ ЛОЗИМ БЎЛГАН ЖИҲАТЛАР

**1. Аввало зиёрат учун руҳан ва жисмонан покланиш лозим** (имкон даражасида зиёратгоҳга таҳорат билан кириш мақбулдир).

Барча ишлардаги каби зиёратда ҳам биринчи навбатда инсон ниятини гўзал қилиши керак. Зиёратидан фақат Аллоҳнинг розилиги, ибрат ва қабрдаги киши ҳақига дуо қилишни мақсад қилмоқ лозим. Умар (розияллоҳу анху)дан ривоят қилинади: «Пайғамбар (соллаллоҳу алайҳи ва саллам): Албатта, амаллар ниятга боғлиқдир. Бас, кимнинг ҳижрати Аллоҳ ва Унинг Расули учун бўлса, унинг ҳижрати Аллоҳга ва Унинг Расулига бўлади. Кимнинг ҳижрати дунё учун бўлса, унга эришади. Ёки аёл учун бўлса, уни никоҳлаб олади. Бас, унинг ҳижрати нима учун қилган бўлса, ўшанга бўлади», дедилар» (*Бешовлари ривоят қилишган*).

Банданинг савоб қилиши уч нарса; дил, тил ва бадан орқали бўлади. Ушбу ҳадисда дил орқали бўладиган нарса тўла баён қилинган. Чунки дин ички ва ташқи амаллардан иборатдир. Ички амал ниятдан

иборат, ният эса қалб ила бўлади. Демак, зиёратчи биринчи ўринда ниятини тўғрилаши керак.

Рұҳан покланиш учун лозим бўлган иккинчи жиҳат ихлосдир. Чунки ихлоссиз қилингандар амалнинг савоби кам бўлади. Ибн Аббос (розияллоҳу анҳу)дан ривоят қилинади: «Пайғамбаримиз (соллаллоҳу алайҳи ва саллам) айтадиларки: «Албатта, Аллоҳ яхшиликлар ва ёмонликларни ёзиб қўйди. Сўнгра ўшани баён қилди. Ким бир яхшиликни қасд этсаю, унга амал қилмаса, Аллоҳ уни Ўз ҳузурида баркамол бир яхшилик қилиб ёзиб қўяди. Агар уни қасд қилиб, амал ҳам қилса, Аллоҳ азза ва жалла уни Ўз ҳузурида ўнтадан етти юз яхшиликкача, ундан ҳам бир неча марта кўп қилиб ёзади. Агар бир ёмонликни қасд этсаю унга амал қилмаса, Аллоҳ уни Ўз ҳузурида бир яхшилик қилиб ёзади. Агар у (ёмонлик)ни қасд қилиб, амал ҳам қилса, Аллоҳ уни бир ёмонлик қилиб ёзади», дедилар» (*Бешовларидан фақат Абу Довуд ривояят қилмаган*).

Ушбу ҳадисда Исломнинг гўзаллиги, қанчалик даражада яхшилик тарафдори эканию, ёмонликка қанчалик қарши экани баён қилинмоқда. Асосан, амалга бериладиган ажру савоб банданинг ихлосига қараб бўлиши айтилмоқда. Чунки бир хил ният билан бир хил амални бажарган кишиларнинг бирига ўн ҳисса, иккинчисига етти юз ҳисса, учинчисига ундан бир неча баробар кўп савоб берилиши аввало ихлосга қараб бўлади.

Ихлос билан қилингандар ибодатнинг савоби ана шундай кўпдир. Ихлос самараси ўлароқ банда ўз Раббига қилган ибодатнинг лаззатини топади, қалби мусаффо бўлади, нурга тўлади ва амалига қўшимча савоб топади. Ихлосли банда ваъз-насиҳат ва ибратлардан ўзига тезда фойда олади.

Ниятни гўзал қилиб, ихлосни қалбга тугилгач, энди покликка, бадан ва кийим тозалигига алоҳида эътибор қаратиш лозим. Зоро, ислом поклик устига қурилган диндир. Расулуллоҳ (соллаллоҳу алайҳи ва

саллам) ҳадисларыда: “Поклик имоннинг ярмидир”, деганлар. Ибодатлар олдиdan, жамоат түпланадиган жойларга боришдан олдин тозаланиб, ювиниб олиш динимизда алоҳида таъкидланган. Зиёрат ҳам ибодат хисобланади. Үнда инсон қалби юмшаб, охиратни эслаб, Раббига яқынлашади. Шундай бўлгач, зиёратчи бадани ва кийимининг поклигига алоҳида эътибор қаратиши лозим. Ояти каримада гуноҳларга тавба қилувчи ва ҳамиша пок, озода ва саранжом-саришта юрадиган инсон Аллоҳга доимо маҳбуб эканлигини эслатиб шундай дейилган:



Яъни: «**Албатта, Аллоҳ** (шунгача билмай йўл қўйган хатоларидан) чин тавба қилувчиларни ва обдон покланиб юрувчиларни севади» (*Бақара*, 222).

Шу ўринда таҳорат олиш қандай амалга оширилишини эслатиб ўтамиш:

иккала қўлни билагигача ювилади;

офизга сув олиб, оғиз бўшлиғи ва тишлар билан уч марта чайилади;

бурунга сув тортиб уч марта яхшилаб ювилади;

юзни уч марта ияқдан пешонанинг соч чиққан еригача, икки қулоқнинг юмшоғигача ишқалаб ювилади;

билакларни тирсаклари билан уч марта ювилади;

икки қўлни сувга намлатиб, бошга тортилади ва бош бармоқларни қулоқлар атрофларига айлантирилади ва қўлнинг орқа томонидаги намликни бўйнининг икки томонига суртилади;

аввал ўнг, кейин чап оёғ тўпиғи билан уч марта ювилади;

**2. Зиёратгоҳ ҳудудига кирилганда қабр аҳлига салом берилади ва Куръон оятларидан ўқиласи.**

Қабристонни зиёрат қилиш чоғида қуйидагиларни алоҳида эътиборга олиш лозим бўлади. Аввало қабристонга кирилганида: “Ассалому алайкум, ё аҳлал

қубур”, яъни: “Сизга салом, эй қабристон аҳли”, деб салом берилади.

Қабрларни зиёрат қилиш суннат амалларданdir. Демак, қабристонга борганда у ерда ётган мархумларнинг ахволини ўйлаб, ундан ҳар ким ўзига ўгит ва ибрат олиши лозим. Зеро, улар ҳам бизлардек яшаганлар, турли амалларни қилиб бу дунёдан ўтганлар. Ҳозирда ўша қилмишларига яраша бир қадар Аллоҳнинг ажри ёки уқубатига дохил бўлган ҳолда ётурлар. Бу эса ҳар қандай инсонни фикр қилишга ундейди.

Қабристон зиёрат қилинган пайтда мархумлар рухига бағишлиб тиловати Куръон ва дуойи хайрлар қилинади. Маълумки, азиз-авлиёларнинг мақбараларини, шунингдек, яқинларимизнинг қабрларини зиёрат қилиб туриш Ислом динида савобли ишлардан саналади. Одоб билан бориб тиловат ва дуо қилиб савобини шу қабр соҳибининг рухига бағишлиб, биздан ва авлодларимиздан шу зотлар каби улуғ инсонлар чиқаргин, деб яратганга илтижо қилинади.

Қабр йўқолмаслиги учун бир белги сифатида унинг устига тош ёки тахта қўйиш мумкин. Уларга сана ва номларини ёзиб қўйиш мумкин, аммо дабдабали қабр тошлари ўрнатиш исроф хисобланади. Шариат бундай нарсалардан қайтаради.

Вафот этган кишининг рухини шод этадиган амаллар:

Куръон ўқиб савобини унинг рухига бағишилаш, дуойи хайрлар қилиш, эҳсон ва садақалар улашиш кабилардир.

Шунингдек, қабристонларни қаровсиз қолдирмаслик, балки уларни обод ва озода сақлаш айни савобли ва ибратли ишларданdir.

Бизнинг ҳанафий уламоларимиз аёллар овоз чиқариб йиғлаш ва бошқа ношаръий ҳолатлардан сақланган ҳолда қабрларни зиёрат қилишлари мумкинligини айтиб ўтишган. Жумладан, Шамсул аимма Сарахсий: “Улар қабрларни зиёрат қилсалар, зарари йўқ”, деган. Демак, аёллар қабристонга бориб, у ерда овозлари

борича йиғлашлари, битган ярани янгилаб, ҳаммани ғамга ботиришлари мүмкін эмас. Маълумки, аёллар қалби бүш, тез таъсирланувчи бўлиб, улар қабристонга борсалар, йифи-сиғи қилиш, дод-вой солиш, овозни баланд кўтаришлари эҳтимоли бор. Агар улар ибрат олиш учун, ота-оналарини эслаб, улар ҳақига дуо қилиш учун борсалар, жоиз. Аммо бунда лиbos ва зийнат бобида камтарона иш тутишни унутмасликлари лозим. Яъни, қабристонга борадиган аёлнинг аврат жойлари ёпиқ бўлиши, уни кўрган эркакнинг хаёли чалғимайдиган, атири ва бошқа хушбўй нарсалар суртмаслиги шарт.

Пайғамбаримиз (соллаллоҳу алайҳи ва саллам) қабрларини зиёрат қилиш эркак ва аёлларга бирдек жоиздир деганлар. Уламолар бу иш мустаҳаблигига иттифоқ этишган.

Қабристонда Куръони карим сураларидан хоҳлаганини ўқиши мүмкін. Аммо Фотиха, Оятул Курсий, Таборак, Залзала, Такосур, Ихлос сураларини ўқиши алоҳида таъкидланган. Тиловатдан сўнг қабристонда ётган ҳамма мўмин-мусулмон маййитларга тиловат савоби бағишлиланади. Маълум шахсларга хослаш ҳам мүмкін, афзали барча мусулмон маййитларга бағишилашдир. Сабаби қабристонда биронта ҳам яқин кишиси бўлмаган фақир ва ғариб маййитлар бўлиши эҳтимолдан холи эмас.

Душанба, пайшанба, жума ва шанба кунлари қабрларни зиёрат қилиш учун энг афзал вақт саналади. Жума куни намоздан кейин қабрларни зиёрат қилиш яхшидир. Шанба куни қуёш боттунича, пайшанба куни куннинг аввалида зиёрат қилинади. Шунингдек, бошқа фазилатли кунларда қабрларни зиёрат қилиш мүмкін.

**3. Зиёратга ташриф буюрган сайёҳ ва зиёратчилар авратни беркитувчи либосларда бўлишлари лозим.**

Маълумки, бугунги кунда зиёратгоҳлар аҳолининг энг гавжум жойларидан бири бўлиб қолмоқда. Айниқса, ёшлар, келин-куёвларнинг бу ерга ташрифи бошқалардан

кўра кўпроқ эканлиги кузатиляпти. Уларнинг аксарияти миллийлигимизга мос келмайдиган кийимларда, қўл ушлашиб, одоб-ахлоқ чегараларини четлаб ўтаётгани албатта, ижобий бўлмаган ҳолатдир.

Ҳадиси шарифда Расулуллоҳ (соллаллоҳу алайҳи ва саллам):

“Қабр – жаннат боғларидан бир боғ ёки дўзах чоҳларидан бир чоҳдир”, деганлар. Яъни, киши ҳаёти давомида хайрли ишларни қилиб, охиратда Аллоҳнинг фазлига эришган бўлса, унинг қабри жаннат боғларидан бир боғга айланади. Солиҳ зотларнинг қабрлари дунёда қилган амаллари туфайли жаннат боғига айланган жойлардир. Аллоҳ таоло айтади:

**“Огоҳ бўлингким, Аллоҳнинг валийлари (дўстлари)га хавф йўқдир ва улар ташвиш ҳам чекмаслар”** (Юнус, 62).

Аллоҳнинг дўстларига ҳам бу дунёда ва ҳам охиратда ҳеч қандай хавф йўқдир. Улар икки дунёда ҳам тўлиқ омонлиқдадирлар. Ана ўша баҳтиёр шахслар, Аллоҳнинг дўсти мақомига мұяссардир, икки дунёда хавфдан холи бўлганлар. Шундай экан, уларнинг ҳурматларини бажо келтириб, миллийлигимизга мос либослар ила, қабрларини зиёрат қилишимиз даркор. Шунингдек, дунё машғулотларини тарқ этиб, охиратни ўйлаш, зиёратгоҳда викор билан сокин юриш, мўминларнинг яхши сифатларини эсга олиш, зиёратдан сўнг ниҳоятда сокин, вазмин, тафаккур ва тадаббур ила қайтиш зиёрат одобларидандир.

**4. Зиёратгоҳ ҳудудида баланд овоз билан гаплашиш, шовқин солиш ва номақбул ҳаракатлар қилиш мумкин эмас.**

Ўтганларни эслаш ва уларга истиффор айтиш, қабрларини зиёрат қилиш ва уларнинг ҳақларига дуолар қилиш барчамизнинг инсоний бурчимиздир. Уларнинг ортидан қабристонда ёки бошқа жойда бўлсин нима дейиш лозимлиги ҳақида Аллоҳ таоло марҳамат қилиб айтади:

﴿ وَالَّذِينَ جَاءُو مِنْ بَعْدِهِمْ يَقُولُونَ رَبَّنَا أَغْفِرْ لَنَا  
وَلِإِخْرَجِنَا الَّذِينَ سَبَقُونَا إِلَيْهِمْ وَلَا تَجْعَلْ فِي قُلُوبِنَا غِلَّا لِلَّذِينَ  
أَمَّنُوا رَبَّنَا إِنَّكَ رَءُوفٌ رَّحِيمٌ ﴾ ۱۰

Яъни: «Улардан кейин (дунёга) келган зотлар айтурлар: “Эй, Рabbимиз! Ўзинг бизларни ва биздан илгари имон билан ўтганларни мағфират этгин ва қалбларимизда имон келтирган зотларга нисбатан гина пайдо қилмагин! Эй, Рabbимиз! Албатта, Сен меҳрибон ва раҳмли зотдирсан!”» (*Ҳашр*, 10).

Демак, биз ўтганлар ҳақига Аллоҳдан мағфират сўрашимиз даркор. Қабрлари олдида эса бу авлодир. Баланд овоз билан бақириб ҳақириш эса номаъкул ишдир. Қуръони каримда Луқмони ҳакимнинг ўғлига қилган насиҳати қуидагича келтирилган:

“(Юрганингда) ўртаҳол юргин ва овозингни паст қилгин. Чунки овозларнинг энг ёқимсизи эшаклар овозидир” (*Луқмон*, 19). Яъни, юришинг ўртача ва мақсадли бўлсин. Бекорчи сохта ҳаракатлар билан куч-қувватни исроф қилиб, кибру ҳаво билан юрма, жуда лапашанг бўлиб, судралма ҳам. Ҳеч бир сабабсиз баланд кўтарилилган овознинг эшакниги ўхшатилишининг ўзи етарли. Оятда бу овоз энг ёмон экани ҳам таъкидланмоқда.

Хунук овозлар чиқариш Қуръони карим ояти билан қайтарилилган экан, энди Аллоҳнинг суюкли бандалари қўним топган жойда бундай ишлар қилишдан сақланиш керак бўлади.

##### **5. Зиёрат жараёнида азизлардан мадад сўраш, уларга атаб жонлик сўйиш мумкин эмас.**

Шуни унутмаслигимиз керак, ҳеч бир зиёратчи қабрда ётган авлиё ёки бошқа зотлардан мадад сўраб ундан ҳожатини раво қилишини талаб қилмасин. Ҳар қандай ҳожатларни раво этиш бевосита фақат Парвардигорнинг ўзидан сўралади.

Қабристонга борганда у ердагилардан ёрдам сўраш, уларга атаб қурбонлик сўйиш ширк амаллардан бўлиб, бандани имондан маҳрум қиласди. Аслида авлиёми ёки бошқа зотми, тирикларга манфаат ҳам, зарар ҳам етказа олмайди. Майитлар касалларга шифо, бепуштларга фарзанд бера олмайди. Тириклар ҳожатини раво қилувчи ҳам, дуою истиғфорлар сабаб майитлар ҳолатини яхшиловчи ҳам Аллоҳдир.

Азизлардан мадад сўраш, уларга атаб жонлиқ сўйиш ислом динидаги қаттиқ қораланган ишлардандир. Зеро, мадад сўрашга ҳам, атаб жонлиқ сўйишга ҳам фақат Аллоҳ таологина ҳақлидир. Қилинган садақа ёки эҳсон қачон ва қаерда бўлмасин Ҳақ таоло розилиги учун бўлгач, унинг савобини кимга бағишлиаш кишининг ихтиёридадир.

**«У сизларга ўлимтик, қон, чўчқа гўшти ва Аллоҳдан ўзгага сўйилган нарсаларни (истеъмол қилишни қатъий) ҳаром қилди» (Бақара, 173).**

Ояти каримада мусулмонларга ҳаром қилинган нарсалардан тўрт хили зикр этилмоқда.

Биринчиси – ўлимтик. Яъни, Аллоҳ таоло ҳалол қилган ҳайвонлардан ўзи ўлиб қолганининг гўшти ҳаром бўлади.

Иккинчиси – қон. Яъни, ҳайвонни сўйганда оққан қонини истеъмол қилиш ҳам ҳаромдир. Сўйилган ҳайвонларнинг томирларида қолган қонлари бундан мустасно.

Учинчиси – чўчқанинг гўшти. “Гўшти” дейилганидан ёфи ёки бошқа жойи ҳалол экан-да, деган фикр келмаслиги керак. Чўчқа буткул ҳаром. Ўлимтик, қон каби у ҳам нажас-ифлос бўлгани учун ҳаром.

Тўртинчиси – Аллоҳдан бошқанинг номини айтиб сўйилган ҳайвоннинг гўшти. Ҳайвонни сўяётганда эса, сўювчи шахсга, унинг ниятига ва сўйиш услубига қаралади. Сўювчи ҳайвонни Аллоҳдан бошқанинг номини айтиб сўйса, гўшт ҳаромга айланади. Бу ерда моддий эмас, балки маънавий-рухий ҳолат эътиборга

олинган. Инсонни яратиб унга жон ато этган зот Аллоҳ таолодир. Худди шунингдек, сўйиладиган ҳайвонга ҳам жон ато қилган Аллоҳ таолонинг Ўзидир. У зот бир махлукига (инсонга) бошқа баъзи махлукларини (айрим ҳайвонларни) сўйишга ва гўштга айлантириб фойдаланишга рухсат берди. Бу ишни амалга ошириш пайтида бир неча шартта риоя этишга буюрди.

Аввало, ҳайвонни сўйиб жонини чиқариш пайтида шу жонни берган Зотни эслаш даркор. Агар у ҳайвонга жон ато қилган Аллоҳни қўйиб, бошқанинг номи зикр этилса, маънавий жиноят содир бўлади, бундай гўшт ҳаром ҳисобланади. Аллоҳ таоло жон берган ва мўминларга ҳалол этилган ҳайвонларни сўйганда гўшти ҳам ҳалол бўлиши учун, ҳайвонни Аллоҳнинг исмини айтиб, “Бисмиллаҳи, Аллоҳу акбар”, деб сўймоқ лозим. Шуни алоҳида таъкидлаш лозим, зиёратгоҳларга бориб курбонлик қилиш халқимизнинг урфига айланиб қолган. Қайси зиёратгоҳда қурбонлик қилинишидан қатъи назар, қурбонлиқдан кўзланган мақсад Аллоҳнинг розилиги бўлиб, Аллоҳнинг номи или сўйилади. Аллоҳдан бошқа ҳеч кимга атаб курбонлик қилинмайди.

Мадад сўраш борасида сўз юритадиган бўлсак, бандага Аллоҳдан ўзга ҳеч ким фойда ҳам зарар ҳам етказа олмайди. Қабрда ётган киши эса кўпроқ тириклар дуосига муҳтож. Ўзимиз учун ҳам, марҳумлар учун ҳам фақат ва фақат оламлар Раббиси Аллоҳ таолодан яхшилик сўрашимиз лозим.

**«Агар Аллоҳ сизга бирор зарар етказса, бас, Унинг Ўзидан бошқа уни кетказадиган (куч) йўқдир. Агар сизга бирор яхшилик (етказиш)ни истаса, Унинг фазлини қайтарувчи (куч) ҳам йўқдир. уни (фазлини) бандаларидан хоҳлаганига етказур. У кечиrimли ва Раҳмлидир» (Юнус, 107).**

Борлиқнинг ягона Холиқи, Қодиру Молик зот бир бандани зарар или тутганидан кейин, у ожиз банданинг мушкулини ҳеч ким еча олмайди. Шунингдек, Аллоҳ

кимга яхшиликни ирода қилса, уни қайтара оладиган кимса йўқ. У яхшилик келтирадиган ишларни қилгандарга яхшилик, ёмонлик келтирадиган ишларни қилгандарга ёмонлик етказишни ирода этгандир. Аллоҳ бандалари ичидан ўзи хоҳлаганларини фазлига эришириди. Шундай экан, Ундангина мадад сўраш лозим.

## **6. Мақбаралар ва меъморий иншоотларнинг ғишиш ва безакларига турли сўзлар ва ниятларни ёзиш мумкин эмас.**

Расмнинг инсон ҳаёти учун алоҳида ўрни бор. Ҳужжатлар, муҳим воқеалар учун эсдалик бўлсин деган мақсадда расмга тушишнинг ёмон томони йўқ. Лекин унинг кўпи исроф бўлади. Хусусан, қабрлар, мақбараларни расм тушиш учун жой қилиб олиш марҳумларга хурматсизликдир. Кўплаб китобларда, хусусан «Манор» китобида «Марҳумнинг ҳурмати тирикнинг ҳурмати кабидир» дейилган. Ҳатто баъзи ўринларда марҳумлар ҳурмати тирикларни издан устун қўйилган.

Қабрнинг устига ёзиш борасида жумхур уламолар:

“Қабр устига марҳумнинг исмини ҳам, бошқа бирор-бир нарсани ҳам ёзиш мумкин эмас”, деганлар. Бизнинг ҳанафий мазҳабимиз уламолари эса:

“Қабрнинг йўқолиб кетиши ёки хорланишининг олдини олиш учун белгига ҳожат тушса, белги бўладиган нарсага ёзса бўлади”, деганлар. Эътиборлиси, бизнинг мазҳабимизда, фақатгина белги бўлиши учун ёзишга рухсат этилмоқда. Энди қабрларга турли сўзлар, ниятларни ёзиш умуман мумкин бўлмаган ишлардир.

**7. Қабрлар устига пул сочиш, шам ёқиши, уларни тавооф қилиш, боланинг кокилини аташ, атрофларини айланиш ҳамда дарахтларига турли хил латта парчаларини боғлаш ҳам динимизда қаттиқ қораланган ишлардандир.**

Қабр тепасида шам ёқиши бидъатдир. Бу ишнинг нағи ійүқ. Сабаби у ёққан шам катта аланга бўлса ҳам, маййитнинг қабрини ёрита олмайди. Унинг қабрига солиҳ амаллар, Қуръон тиловати, қилинган садақа каби ишлар савоби нур бўлади. Шуни унутмаслик лозим, инсон вафот этгач, унга моддий нарсалардан бирон наф бўлмайди. Шу сабаб ҳар банда ўз амалини ислоҳ қилиб, қабрдаги ҳолати яхши бўлиши йўлида ҳаракат қилиши керак.

Расуллороҳ (соллаллоҳу алайҳи ва саллам) қабрларга чироқ ёқищдан қайтарибгина қолмасдан, бундай ишни қилувчиларни лаънатлаганлар.

Билимсиз кишилар қабрларга сажда қиласидилар, тавоғ этадилар, остонасини ўпадилар, бу ишларнинг барчаси шаръян ножоиз, Аҳли сунна ва жамоа имомлари наздида ҳаром ҳисобланади. Шариатимиз қабрларни эҳтиром қилишда бу каби йўл тутишдан ман қилган. Пайғамбаримиз (соллаллоҳу алайҳи ва саллам) кейинчалик умматлари шу ишларга қўл уриши мумкинлигини билиб, бундан қайтарганлар.

Ойша (розияллоҳу анҳо)дан ривоят қилинади: “Набий (соллаллоҳу алайҳи ва саллам) вафот этишдан олдинги бетобликларида: “Аллоҳ таоло пайғамбарларининг қабрларини саждагоҳ қилиб олган яхудий ва насороларни лаънатлади”, дедилар...” (*Бухорий ривояти*).

“Билингки, авом халқ тарафидан ўликларга атаб назрлар қилиш, Аллоҳ дўстларининг қабрларига уларга яқин бўлиш мақсадида тангалар ташлаш, шам, чироқлар ёқиши ботил ва ҳаром ишлардир. Бу нарсаларга хусусан, асримиз одамлари кўпроқ мубтало бўлганлар” (“Раддул Муҳтор”).

**8. Мақбара олдида жонлиқ сўйиш, таом пишириш ва тановул қилиш, мусиқа эшитиш, ухлаб дам олиш мумкин эмас.**

“Ал-фиқҳ ъала ал-мазоҳиб ил-арбаъа” номли фикҳий асарда бундай дейилади:

“Ва яна, ҳозирда қилиниб келаётган макрух бидъ-атлардан бири: худди шодлик вақти, хурсандчилик йиғинларида қилинадиган суратда, майит чиққанда ёки (дафндан кейин) қабристонда жонлиқ сўйиш ва таъзияга келгандарга ундан таом пишириб едириш”. Агар ворислар ичида балоғат ёшига етмаганлар бўлса, таом пишириб едириш ҳаром бўлади.

Юқорида номи зикр этилган китоб ислом оламидаги мўътабар рисолалардан бири бўлиб, унга асосан қабристонда жонлиқ сўйиб овқат пишириб ейиш тақиқланган ишлардан эканини билдириляпти. Шунингдек, қабр устида ўтириш, юриш, ухлаш, “хожатни чиқариш” макрух ишлар жумласидан, уларни қилиш мутлақо мумкин эмас.

Мусиқа хурсандчилик кунлари учун мос бўлиб, кўпчилик уламолар одоб, ахлоқ, мардлик ва яхши сифатларга чорловчи маънодаги куйга солиб айтилган нарсаларни жоиз деганлар. Қабристон ибрат олинадиган, охират эсланадиган жой бўлиб, у ерда куй, мусиқа бўлиши ножоиз ишлардан саналади.

### 9. Зиёрат ниҳояси.

Зиёрат сўнгидаги қабристон ёки зиёратгоҳдан оҳиста чиқилади. Қабрларга таъзим қилиш, у ерга турли чиқиндиларни қолдириб кетиш мумкин эмас. Тоза ва озода ҳолда тарк этиш зарур. Қабр ичида ётганлар, уларнинг ҳолатлари, вақти келиб ўзининг ҳам олдида турган охират сафари борасида тафаккур қилмоқ даркор.

Уйига келганда, бошқа жойларда ҳам ўтганларни, хусусан, ота-оналарини йўқлаб, уларнинг ҳақига дуойи хайрларни қилиб, руҳларини шод этадиган ишларни амалга ошириш лозим. Зеро, марҳумлар учун дуо қилиш Куръони карим таълимларидандир. Аллоҳ таоло марҳамат қиласи:

**«Улардан кейин (дунёга) келган зотлар айтурлар: “Эй, Раббимиз! Ўзинг бизларни ва биздан**

**илгари имон билан ўтганларни мағфират этгін ва қалбларимизда имон келтирған зотларга нисбатан гина пайдо қылмагин! Эй, Раббимиз! Албатта, Сен меҳрибон ва раҳмли зотдирсан!”» (Хашр, 10).**

### ОТА-ОННИНГ ВАФОТИДАН КЕЙИН УЛАРГА ҚИЛИНАДИГАН ЯХШИЛИКЛАР

Ислом таълимотларида ота-онага яхшилик қилиш фақат уларнинг ҳаётлик өсірлер ила чегараланиб қолған эмас. Балки фарзанд ота-онасига уларнинг вафотларида кейин ҳам яхшилик қилиши мүмкін.

Абу Үсайддан ривоят қилинади:

«Расууллоҳ (соллаллоҳу алайҳи ва саллам)нинг хуурларига Бани Салама қабиласидан бир киши келиб, гаплашди. Мен у зотнинг олдиларида әдим. Бас, у:

«Ё Расууллоҳ! Ота-онам ўтиб кетдилар. Зиммамда уларга яхшилик қилишимдан бирор нарса қолдими?» деди.

Расууллоҳ (соллаллоҳу алайҳи ва саллам) унга:

«Ха! Тўрт нарса қолди: уларнинг ҳақига дуо қилмоғинг, истиғфор айтмоғинг, икковларидан кейин уларнинг ваъдаларини бажармоғинг ва икковлари томонидан сенга қариндош бўлганларга силаи раҳм қилмоғинг», дедилар.

Шунда ҳалиги одам:

«Бу қандай ҳам улуғ!» ёки «Бу қандай ҳам яхши! Ё Расууллоҳ!» деди.

«Бас, унга амал қил!» деб марҳамат қилдилар».

Шарҳ: Аслида, вафот этган одамнинг бу дунёда қилған амаллари асосида охиратдаги мақоми белгиланади. Унинг заррача яхшилиги ёки ёмонлиги бўлса ҳам ҳисобга олинади. Аммо, Аллоҳ таоло уммати Мұхаммад (алайхиссалом)га раҳм кўрсатиб, уларнинг ўлимларидан кейин ҳам ортларидан савоб етиб боришига ва уларнинг охиратдаги мақом ҳамда даражаларининг ортиб боришига йўл очиб қўйган.

Ана ўша йўллардан тўрттаси ушбу ҳадиси шарифда кўрсатилмокда.

Фарзанд ота-онаси тириклигига уларнинг хизматини адо этиб, розилигини олиб, яхшиликлар қилиб ўтишга тарғиб қилинади. Лекин ота-она вафот этгандан кейин ҳам, ушбу ҳадисда келган таълимотга биноан, уларга тўрт хил яхшилик қилса бўлар экан.

### **1. Дуо қилиш**

Ота-оналарининг ҳақига Аллоҳ таолодан яхшиликлар — жаннат, хайр-баракалар сўраб дуо қилиш фарзанднинг ўз ота-онасига уларнинг вафотларидан кейин ҳам бажарадиган яхшиликларидандир. Бу дуолар ота-онага бориб туради, уларнинг аъмоли хайрларига қўшилади. Бу билан фарзанд уларга тириклик чоғларида яхшилик қилгандек бўлади.

### **2. Истиғфор айтиш**

Ота-онасининг гуноҳини кечишни Аллоҳ таолодан сўраб, истиғфор айтиш. Фарзанд ота-онасига Аллоҳ таолодан мағфират сўраб дуо қилса, уларга вафотларидан кейин ҳам яхшилик қилган бўлади.

Ота-онасига мағфират сўрайдиганларнинг энг яхшиси намозхонлардир. Намозхон ҳар намозининг охирида, дуо қабул бўладиган бир мақомда, салом беришдан олдин ота-онасига мағфират сўрайди.

### **3. Ота-онанинг аҳдига вафо қилиш**

Ота-она ким биландир аҳд тузган ёки берган ваъдаси бўлса, мажбуриятларининг ҳаммасини ўрнига қўйиб, васиятларини бажариш ҳам ота-онанинг орқасидан қилинадиган яхшиликлар қаторига кирап экан. Бу ишлар билан ҳам фарзанд уларга худди тириклик чоғларида яхшилик қилгандек бўлади.

### **4. Ота-онанинг дўстлари, яқин кишилари, қариндошларини икром қилиш**

Ушбу йўл билан ҳам фарзанд ота-онасига улар ўтиб кетгандан кейин ҳам яхшилик қилиши, орқаларидан савобларни етказиб туриши мумкин экан. Ким бу ишни

мунтазам бажарса, уларга тириклик өчеларида яхшилик қилғандек бўлади.

Аллоҳ таоло бандаларга меҳрибон Зот. У бизга ота-она-ларимизга улар ўтганидан кейин ҳам яхшиликларимиз этиб борадиган эшикларни очиб қўйган.

Демак, инсон ота-онаси дуо қилиши, уларга истиғфор айтиши, намози, рўзаси, садақасидан ҳосил бўлган савобларни бағишлаб туриш билан ҳам уларга қиласидан яхшилигини давом эттириши мумкин экан.

## **ҚАБРИСТОНЛАРНИ ОБОД ЭТИШ – ЎТГАНЛАРНИНГ РУХИ ПОКЛАРИНИ ШОД ЭТИШДИР**

Инсон бу дунёда яшаркан, ўзидан яхши ном қолдиришга интилади. Яхши номга эса, албатта, савобли ишларга қўл урмоқлик билан эришилади. Ана шундай эзгу ишларнинг ажралмас қисми эса қабристонларни обод қилиш. Бу халқимизнинг азалий одатидир. Қабристонлар гул-майсаларга, яшилликка бурканса, ҳар бир қабр усти тозаланиб, саришта этиб қўйилса, марҳумлар руҳи шод бўлади. Шу боис марҳумларнинг руҳи-поки қўним топган масканлар – қабристонларни обод қилиш, қабрларни зиёрат этиш одобига тўла амал қилишимиз лозим. Аллоҳ таоло инсонни бу дунёning азизу мукаррам хилқати, ҳаёт гултожи, жонзотлар ичида сарвари этиб яратган. Одамзод шундай мўътабар шарафга мұяссарлиги учун ҳам ҳамиша эъзозу эҳтиром этиб келинган. Бу эъзоз ва ҳурмат у вафотидан кейин ҳам давом этади. Марҳумларнинг руҳи покини азиз тутиш, қабрларни зиёрат этиб, уларни ободонлаштириш, руҳи покига Куръон тиловат қилиш ҳар биримизнинг инсоний бурчимиздир. Бу инсоний бурчни эса барчамиз доимо ҳис қилиб яшамоғимиз керак. Шу ўринда бир савол туғилади: барчанинг сўнгги борар макони мусулмончиликнинг удумига кўра қандай бўлиши керак?

Азалдан юртимизда қабристонни қуриб қолган гиёхлардан тозалаб, ўрнига гул экиш расм бўлган. Бу ҳам марҳумларга бўлган ҳурмат белгисидир. Зеро, Пайғамбаримиз Муҳаммад (соллаллоҳу алайҳи ва саллам) қабр устидаги гиёҳ қуригунга қадар қабр эгаси ҳақига салавот айтиб туришини баён қилганлар. Яъни: “Ибн Аббос (розияллоҳу анҳумо)нинг ривоят қилишларича, Пайғамбар (соллаллоҳу алайҳи ва саллам) Мадина ёки Макка қабристонларининг бири ёнидан ўтиб кетаётган эдилар. Тўсатдан иккита қабрдан азобланётган кишиларнинг овозини эшишиб қолдилар. “Азобланаяптилар, аммо, кабира гуноҳ учун азобланмаяптилар”, дедилар. Бироздан сўнг: “Йўғ-э, (кабира гуноҳ сабабли азобланаяптилар). Бири бавлидан сақланмас, иккинчиси эса чақимчилик қилиб юрар эди”, дедилар. Сўнгра, хурмонинг кўкариб турган шохидан олиб келишни буюрдилар. Шох олиб келингач, уни иккига бўлиб, ҳар бир қабрга биттадан бўлакни санчиб кўйдилар. Саҳобалар: Ё Расулаллоҳ, нега бундай қилдингиз? деб сўрашди. Шунда У зот: “Шояд, бу шохлар қуригунча азоблари енгиллашиб турса”, деб жавоб бердилар (*Муттафақун алайҳ*).

Яна бир эътибор берилиши керак бўлган жиҳат, қабристонга фақат манзарали дараҳтларнинг экилганидир. Табиатнинг ўзига хос қонун-қоидаларини назарда тутадиган бўлсак, мозорларга мевали дараҳтлар ўтқазилмаслиги керак. Яна бир диққатта сазовор томони қабрлар орасида йўлакчалар қолдиришдир. Бундай йўллар қабрларнинг оёқости бўлишининг олдини олади.

Пайғамбаримиз (соллаллоҳу алайҳи ва саллам) ҳам қабрларга эҳтиёткорлик билан муносабатда бўлиш кераклигини уқтириб бундай деганлар: “Қабр устига ўтиргандан кўра, чўғ устига ўтириб, кийимлари то этигача куйиб кетгани яхсидир”.

Солиҳ кишилар қўли билан обод этилган қабристонларни ибрат кўзи билан зиёрат қилиш ҳам аслида динимиз кўрсатмасидир. Зеро, Расули акрам (соллаллоҳу

алайҳи ва саллам): “Лаззатларни парча-парча қилувчи ўлимни кўп эсланглар” деганлар.

Ўтган ота-боболаримиз, ёр-биродарларимиз, хешу акраболаримиз мангу қўним топган манзиллардан хабар олиб, уларни обод қиласайлик. Зеро, бу шариатимиз нуқтаи назарида савобли ишлардандир. Ахир инсоннинг дунёда яшашдан асосий мақсади савоб қозониб, Яратганинг розилигига эришмоқ эмасми?! Ахир қабристонларимиздан қўним топгандарнинг ортларида қолган фарзандлари, оила аъзолари бор-ку. Чин дунёга кетган ота-она тириклик вақтида фарзандлари учун нималар қилмаган. Онаси қийналиб вужудида кўтариб юрган, ўлим билан юзлашиб фарзандини дунёга келтирган, кечалари бедор бўлиб кўкрак сути билан боққан. Отаси фарзанд туғилганида хурсанд бўлиб, суюнчилар улашиб, тўйлар қилиб берган, меҳнат қилиб болаларни вояга етказган, таълим-тарбия олишлари учун олам-олам машаққатлар чеккан. Хулоса қилиб айтадиган бўлсак, ота-онанинг фарзанд учун қилган яхшиликларини санаб адогига етиб бўлмайди. Наҳотки, энди фарзанд марҳумларининг руҳи покларини хушнуд этишни хоҳламаса, наҳотки, уларнинг қабрларини обод этмаса.

Албатта, обод этишни хоҳлайди. Сиз билан биз, уларга қабристонларни обод этиш тирикларнинг ўтганлар олдидаги бурчи эканини эслатиб туришимиз лозим. Зеро, “ким нима экса, шуни ўради” дейди халқимиз. Биз бугун биргалашиб қабристонларимизни тоза тутиб ўрнак бўлсак, келажак авлод ҳам бизга нисбатан шундай муносабатда бўлади.

## МУҚАДДАС ЗИЁРАТГОХЛАР ВА ҚАДАМЖОЛАР

Ислом шариатида муқаддас жойларнинг айнан ўзини зиёрат қилишга чорлайдиган кўплаб оят ва ҳадислар мавжуд: Жумладан, Тавба сурасининг 108-оятида Кубо масжиди ҳақида: “**Биринчи кундан тақвога асосланган масjid эса, унда туришингизга лойикроқдир**”, дейилган. Расулуллоҳ (соллаллоҳу алайҳи ва саллам) ҳар шанба куни у ерни зиёрат қилгандари ривоят қилинган.

Масжидул Ҳаром, Масжидун Набавий ва Масжидул Ақсо масжидлари борасида ҳам Набий (алайҳиссалом):

«Фақат учта масjid томонга сафар қилинади: менинг бу масжидим, Масжидул Ҳаром ва Масжидул Ақсо», деганлар. Яна бир зиёрат қилишга чорланган маконлардан бири Уҳуд тоги бўлиб, бу борада:

«Уҳуд (тоги) бизни яхши кўради ва биз ҳам уни яхши кўрамиз», ҳадиси келтирилган. Шу ва шу маънодаги бошқа ҳадиси шарифлар асосида муқаддас жойларни зиёрат қилиш мумкинлиги, балки бундай ишлар мустаҳаб амаллардан экани келиб чиқади.

Шулар қаторида камина “Имом Бухорий” жоме масжидида буюк бобокалонимиз, ҳадис илмининг сultonи Муҳаммад ибн Исмоил Бухорийнинг хоки пойларида хизмат қилаётганим боис, ушбу рисолага Имом Бухорий ҳазратлари ва у зотнинг шарафларига бунёд этилган мажмуя ҳақида ҳам маълумот бериб ўтишни лозим топдим.

## ҲАДИС ИЛМИНИНГ СУЛТОНИ

Бундай таърифу тавсифга мушарраф бўлган аллома, унинг ҳаёти ва ижоди ҳақида билмайдиган киши топилмаса керак. Ўз навбатида ҳар бир юртдошимиз шундай улуғ аждодимиз билан фаҳрланиши, унинг йўлини тутишга интилиши шубҳасиз.

Зеро, унинг ислом дини учун ва илм учун қилган хизматларини эътироф этган қатарлик олим Доктор Муҳаммад Али Донавий “Ал-Умма” журналида (1982 йил, август) “... Дарҳақиқат, Ислом уммати кўпгина фазилатлар, илм ва ҳидоят эвазига Бухорийдан қарздордир. Бу уммат зиммасига юклатилган вазифа шуки, улар ўз фарзандларига мактабларда, олийгоҳларда ва мажлисларда Бухорий ҳазратлари ўзи ким эканликларини ўргатмоқлари лозим...”

Аслида ҳадиси шарифларда Муҳаммад (алайхиссалом)нинг сўzlари, ҳаётий фаолиятлари ва саҳобалар амалга оширган ишларга муносабатлари баён этилган. Шу боис ҳадислар тўплами “суннат” деб аталади.

Уларни йиғиб китоб ҳолига келтириш пайғамбаримизнинг вафотларидан кейин амалга оширилган. Ўша даврлардаги ислом оламининг марказлари – Самарқанд, Бағдод, Куфа, Басра, Дамашқ, Бухоро, Урганч ва Термиз шаҳарларида мазкур фаолият билан шуғулланувчилар, яъни муҳаддислар кўп бўлган.

Бироқ Имом Бухорийнинг «Ал-Жомеъ ас-саҳиҳ» («Ишончли тўплам») номли 4 жилд (жуз)дан иборат ҳадислар тўплами бошқа муҳаддислар тузган ҳадис тўпламлари орасида энг ишонарли ва мукаммалидир.

Валиюллоҳ Дехлавий айтганидек, «Аҳли ҳадислар ҳадис илмини дёвонга киритиб, уни тўрт фандан иборат тасниф қилишган. Имом Бухорий суннат, яъни фиқҳга оид нарсалар (Моликнинг “Муватто”си ва Суфённинг “Жомеъ”и), тафсир (Ибн Журайжнинг китоби), сийрат

(Мұхаммад ибн Исҳоқнинг китоби) ҳамда зуҳд ва рақоиқ (Ибн Муборакнинг китоби) фанларини бир китобда жамлашни ирода қилди».

Шу сабабли ўтган давр мобайнида асар бир қанча хорижий тилларга таржима қилинган.

Турли номлар билан аталувчи китобнинг асл номи «Ал-Жомеъ ас-Саҳиҳ ал-Муснад ал-Мұхтасар мин умури Расулуллоҳ (сөллаллоҳу алайҳи ва саллам) ва сунанихи ва айямиҳи», яъни сўзма-сўз таржима қилинганда «Расулуллоҳ (сөллаллоҳу алайҳи ва саллам)нинг ҳадислари, суннатлари ва айёмлари ҳақида жамловчи, саҳиҳ ва муснад» маъносини билдиради.

Имом Бухорий ровийлар – ҳадисни нақл қилувчи шахсларнинг, шахсиятини чуқур ўрганиб, умрида ёлғон гапирмаганлиги, эшигтан нарсаларини унудиши одатлари бўлмаганлиги, хиёнат ва бошқа бир салбий сифатлар бўлмаганига ишончи комил бўлгандан сўнг ва ўша шахс кимдан ривоят қилган бўлса, уларнинг учрашгани тӯғрисида гувоҳ ҳам бўлганидан сўнг бу ҳадисни қабул қилган ва ўзларининг китобларига ёзган.

Имом Бухорий ўзидан олдин ўтган муҳаддислардан фарқли равишда турли ровийлардан эшигтан ҳадисларни табақаларга ажратиб, уларнинг ишончлиларини алоҳида китоб ҳолига келтиргани туфайли ҳам асари ўша даврдан бугунги кунгача ислом таълимотида Қуръондан кейинги муҳим манба сифатида юқори баҳоланиб келинмоқда.

Ҳатто айрим манбаларда ўрта асрларда яшаган баъзи хаттоллар ушбу асар нусхаларини кўпайтириб тирикчилик қилганлиги ҳақида маълумотлар мавжуд.

Шу ўринда Имом Бухорийнинг отаси Исмоил ҳам ўз даврининг етук муҳаддисларидан бири бўлганлигини эътибордан четда қолдириб бўлмайди. Икки ёшга етганида падари бузруквори вафот этгач, диёнатли ва оқила аёл бўлган волидаси Бухорийга 5–6 ёшидан исломий илмларни, Мұхаммад (сөллаллоҳу алайҳи ва саллам)нинг ҳадисларини ўрганиш ва ёдлаши учун

шароит яратади. Натижада ўн олти ёшга етгунча Бухордаги таниқли мұхаддислардан етмиш минг ҳадисни ёд олган.

Манбаларга кўра, ҳам жисман, ҳам фикран илм олиш, жумладан, ҳадис илмини мукаммал әгаллаш билан банд бўлган И мом Бухорий ҳәётининг катта қисми асосан хорижда, мусоғирчиликда ўтган. У 40 йилга яқин вақт давомида 20 дан зиёд юртларда бўлиб, ҳадислар тўплаган.

Хусусан, 825 йили онаси ва акаси Аҳмад билан Маккага бориб, ҳаж ибодатини адо этади. Онаси ва акаси Бухорога қайтгач, ўзи Маккада қолган. У ерда фаолият кўрсатаётган машойихларнинг илмий йиғинида қатнашади. 827 йили Мадинага ўтиб, у ерда ҳам машҳур уламолар билан мулоқотда бўлган.

Бундан ташқари, Бухорий Ҳижоз, Тоиф, Жидда, Басра, Куфа ва Бағдодга сафар қиласи. Шом ва Мисрга ўтади. Хуросон, Марв, Балх, Ҳирот, Нишопур, Рай каби шаҳарларда бўлиб, бу шаҳарлардаги олимлардан сабоқ олиб, ҳадислар тўплаган.

Маълумотларга қараганда, Бухорий «Ал-Жомеъ ас-саҳиҳ» китобини ёзишни 23 ёшида бошлаб, ўн олти йилда тугатган.

Эътиборлиси, И мом Бухорий фақат мұхаддис олим бўлибгина қолмай, кенг қамровли алломадир. Унинг катта тарбиявий аҳамиятга эга беназир тўплам ҳисобланган «Ал-Адаб ал-муфрад» («Адаб дурдоналари») асари Туркия ва Мисрда бир неча марта чоп этилган. 1322 ҳадис ва хабар жамланган асарнинг ўзбекча таржимаси 1990 йили Тошкентда нашр қилинган.

Бухорийнинг «Ат-Тарих ал-кабир» («Катта тарих») китоби ҳадис ривоят қилувчи ровийларнинг тарихлари, таржимаи ҳоллари ва ривоят қилиш борасидаги сифатлари ҳақида. Туркияда 9 жилдда нашр қилинган асар қўлёзмасининг баъзи қисмлари Ҳайдаробод кутубхонасида сақланади. Ҳадис тарихига оид қимматли

асари – «Ат-тарих ас-сағир» («Кичик тарих») ҳам Ҳиндистон ва Қоҳирада чоп этилган.

Умуман, 20 дан ортиқ китоб тасниф этган Бухорийнинг бошқа асарларидан баъзилари бизгача етиб келмаган, айримлари дунёнинг турли мамлакатлари кутубхоналарида сақланмоқда.

Муҳими шундаки, Имом Бухорийнинг бизгача етиб келган китоблари мусулмон оламининг мадраса ва дорилғунунларида Пайғамбар (алайҳиссалом) суннатлари бўйича асосий дарслик, қўлланма ҳисобланади. Кўплаб жамоат арбоблари, олиму уламолар ва дин пешволари Бухорий асарларига таяниб иш тутадилар.

Чунки Имом Бухорий тўпламларига киритилган ҳадислар фақат ислом таълимотига оид умумий қоидаларни акс эттириш билан чекланиб қолмайди. Улар меҳр-муҳаббат, сахийлик, очиқкўнгиллик, ота-она, аёллар ва катталарга ҳурмат, етим-есирларга мурувват, фақир-бечораларга ҳиммат, Ватанга муҳаббат, меҳнатсеварлик, ҳалолликка даъват этиш каби чин инсоний фазилатлар ва намунали тартиботлар мажмуасидир. Унда нима яхши, нима ёмон, нимани қилиш керак, нимадан ўзини тийиш лозимлиги ҳақида аҳоли, айниқса, ёш авлод учун муҳим тарбиявий аҳамиятга эга йўл-йўриқлар, панд-насиҳат ва ўйтлар акс эттирилган.

Албатта, шундай буюк зотнинг шахсий сифатлари, ташқи кўриниш ва амаллари ҳам кўпчиликни қизиқтириши табиий. Шу жиҳатдан, Имом Бухорийнинг ўрта бўйли, озғин (қотмадан келган) киши бўлганлигини айтиб ўтиш ўринлидир. У дунёдан зоҳид бўлиб ўтган, деган тахмин илгари суриласди. Сабаби ҳеч бир манбада Имом Бухорий оила, бола-чақа, уй-рўзгор қилгани ёки қилмагани тўғрисида маълумотлар учрамайди.

Болалигидан ўткир зеҳн эгаси эканлигини намойиш қилган Бухорий жами 600 мингга яқин ҳадис тўплаган.

Шундан 100 минг саҳиҳ ва 200 минг ғайри саҳиҳ ҳадис-ни ёддан билган.

«Тарихи Бағдод» китобида келтирилишича, бир киши Бухорийдан:

«Ёдлаш қобилиятига дори борми?» деб сўрайди. «Билмайман, – деб, сўровчига қараб – ёдлаш учун кишининг илмга чанқоқлиги ва доимий изланишидан кўра манфаатлироқ нарсани билмайман», деган.

Шахсий ҳаётида ортиқча дабдаба ва сарф-харажатларга йўл қўймаган. Ҳатто таомни ҳам жуда оз еган Имом Бухорий нафақат йирик олим, балки ўзининг гўзал хулқ-автори, одамохунлиги, муруватлилиги ва бекиёс саховатлилиги билан бошқалардан тамомила ажralиб турган. Бутун фаолияти давомида илм кишиларини моддий ва маънавий жиҳатдан қўллаб-қувватлаганлиги ҳам буни яққол исботлайди. Хусусан, тижорат орқали топган даромадидан ойига беш юз дирҳамдан фақиру мискинларга, илм толибларига сарфлаган.

Буюк мутафаккир кўп йиллик сафарлардан сўнг Бухорога қайтгач, ҳадис илмини тарғиб этиш билан шуғулана бошлийди. Бу ўша вақтда Бухорода ҳукмдорлик қилган Ҳолид ибн Аҳмад аз-Зухлийга хуш келмайди. Шу сабабли Имом Бухорий Самарқанд яқинидаги Хартанг қишлоғига келиб яшашга мажбур бўлади. Бухоронинг Пойкант қишлоғида (хижрий 194, милодий 810) дунёга келган Абу Абдуллоҳ Мұҳаммад ибн Исмоил Бухорий (хижрий 256, милодий 870 йил) рамазон ойининг охирги куни шу масканда жонларини Ҳаққа топширади.

Истиқлол туфайли ислом оламида катта ҳурмат-эътиборга сазовор бўлган Бухорийнинг бой маънавий-илмий меросини чуқур ўрганиш ва кенг тарғиб қилишга алоҳида эътибор қаратилмоқда.

Ўзбекистон Республикаси Вазирлар Маҳкамасининг «Имом ал-Бухорий таваллудининг хижрий-қамарий тақвим бўйича 1225 йиллигини нишонлаш тўғрисида»ги

қарори (1997 йил 29 апрел) асосида Имом Бухорийнинг илмий меросини ўрганиш ва тарғиб қилиш, хотирасини абадийлаштириш борасида катта ишлар қилинди. 1998 йил 23 октябрда Самарқандда юбилей тантаналари бўлиб ўтди. Аллома абадий қўним топган Пайариқ туманидаги Хартанг қишлоғида улкан масжид-мажмуа очилди.

Самарқанд, Бухоро, Хива, Тошкент, Андижон, Наманган, Кўқон ва Шахрисабз халқ усталари томонидан қисқа муддат, яъни 8 ой мобайнида барпо этилган мажмуада ташриф буюрувчилар зиёрату ибодатларни адо этишлари учун барча шароитлар яратилган.

Имом Бухорий ёдгорлик мажмуасининг умумий ер майдони 5,7 гектарни ташкил қилиб, шундан қурилиши майдони 2 гектар, майсазорлар 3,7 гектар, мажмуа мақбара, масжид, анжуманлар зали, маъмурият ва 5 та айвондан иборат. Бундан ташқари, тоза ичимлик суви таъминоти иншооти ва оқава сувлар ҳамда тозалаш иншооти мавжуд.

Мажмуа ички ҳовлисидаги айвонлари ёғоч ўйма-корлик устунлари Самарқанд, Андижон, Кўқон ва Наманган усталари томонидан чинор дарахтидан ясалган бўлиб, умумий сони 74 донани ташкил этади. Ушбу устунлар остига Тошкент авиация заводи томонидан 74 дона архитектура элементи мармардан ясад ўрнатилган.

Мақбара қурилиши ва бадиий безаш ишларини асосан самарқандлик усталар бажаришган. Имом Бухорий ҳазратларининг мақбаралари мараббабъ шаклида қурилган, ўлчами – эни 9 метр, бўйи 9 метр, баландлиги эса қубба устигача 17,6 метрни ташкил қиласди.

Ташқи қисми Эрондан олиб келинган оникс тоши билан безатилган, Самарқандда пишитилган безак кошинлари ва ояту ҳадислар ёзилган кошинлар бир-бири билан уйғунлашиб кетган.

Ички қисми нақш услубида турли миллий безаклар билан безатилган, оят-ҳадислардан бу ерда кенг фойдаланилган.

Мақбара ташқи томонининг энг юқори қисмига Мулк сураси ёзиган кўйилган.

Мақбаранинг жануб томонида Юсуф ва Фоғир сураларидан оятлар ёзилган (*Юсуф сураси 101-оят, Фоғир сураси 57–60-оятлар*).

Мақбаранинг Farb томонига Бақара сурасининг охирги 285–286 оятлари ёзилган. Равоқларга эса ҳадислар ёзилган.

Мақбаранинг шимол томонига Оли Имрон сурасининг 1–7-оятлари ёзилган.

Мақбаранинг шарқ томонига Оли Имрон сурасининг 189–194-оятлари ёзилган.

Мақбаранинг ички қисмидаги гумбаз атрофига Оятул курсий, яъни Бақара сурасининг 255-ояти ёзилган.

Мажмуанинг ғарбий қисмida жоме масжид жойлашган бўлиб, эни 19,2 метр, бўйи 32,2 метр, масжид ички баландлиги 6,6 метр, гумбаз билан баландлиги 15,9 метрни ташкил этади. Масжидда 1500 киши бир вақтда намоз ўқиши мумкин.

Шунингдек, мажмуанинг чап томонида мўъжазгина музей ҳам мавжуд. У ерда асосан хорижий мамлакатлардан ташриф буюрган меҳмонларнинг совғалари сақланади. Музейга киришингиз билан ўнг томондаги Каъбапўш эътиборингизни ўзига тортади. Президентимиз Ислом Каримов 1992 йил Саудия Арабистонига расмий ташриф билан борганларида Каъбанинг ичига киришга мушарраф бўладилар. Шундан сўнг Саудия Арабистони подшохи Фахд ибн Абдулазиз жаноблари Каъбапўшни Президентимизга совға қилганлар. Каъбапўшга Оли Имрон сурасининг 97-ояти ёзилган.

Энди Самарқанд вилоятида жойлашган зиёратгоҳлар, қадамжолар ва тарихий обидалар борасида қисқача маълумот бериб ўтамиз.

## РЕГИСТОН МАЖМУАСИ

Регистон майдони Самарқанд шаҳрининг бош майдонидир. Унда XV–XVII асрларнинг архитектура ансамбли жойлашган бўлиб, унинг маркази Мирзо Улуғбек мадрасаси (1417–1420), Шердор мадрасаси (1619–1936) ва Тиллакори мадрасаси (1646–1660) ҳисобланади. Бош майдонда жойлашган ушбу уч мадраса ансамбли шаҳар архитектураси ва меъморчилик санъатининг ноёб дурдоналаридан намунадир.

## ШЕРДОР МАДРАСАСИ

XVI аср. Шердор мадрасасини Самарқанд ҳокими Ялангтўш Баҳодир 1619–1636 йиллари Мирзо Улуғбек хонақоҳи ўрнига қурдирган. Шердор мадрасаси Улуғбек мадрасасининг рўпарасида бир ўқ чизиги бўйлаб жойлашган. Ўрта Осиё меъморчилигида кўп учрайдиган қўш услубдан фойдаланилган. Пештоқ равоғи тепаси диққатга сазовор: шер оқ оҳуни қувмоқда. Қуёш бодомқовоқ, қийик кўзли юз шаклида тасвирланиб, зарҳал тусли ёғду билан ҳошияланган. Мадраса пештоқига Ялангтўш Баҳодирни улуғловчи шеър битилган. Шердор сўзи “Шер акси бор” деган маънони англатади.

## УЛУҒБЕК МАДРАСАСИ

XV аср. Улугбек мадрасаси – Регистон майдонидаги энг қадимий мадраса бўлиб, 1417–1420 йилларда темурий ҳукмдор, буюк аллома Мирзо Улугбек қурдирган. Мадраса икки қават, тўртта айвондан иборат, унда кўплаб хоналар мавжуд. Бу ерда талабалар таълим олишган. Улугбек мадрасаси XV асрда Шарқнинг энг машҳур диний таълим даргоҳларидан бири бўлган. Ушбу даргоҳда турли илмлардан сабоқ берилган. Бу

ерда машхур файласуф, олим ва шоир Абдураҳмон Жомий, Алишер Навоий ҳам таълим олган.

### ШОҲИ ЗИНДА МАЖМУАСИ

Шоҳи Зинда — Самарқанддаги меъморий ёдгорлик (XI–XX асрлар); Афросиёб тепалиги жанубида жойлашган қабристондаги мақбаралардан ҳамда масжид, минора ва мадрасадан иборат ансамбл. Уларнинг энг қадимийси Қусам ибн Аббос мақбараси бўлиб, халқ орасида Шоҳи Зинда (Тирик шоҳ) номи билан машхур. Ансамбл бир-бири билан йўлак орқали боғланган 3 гурӯҳ бинолардан иборат. Куйи гуруҳдаги иншоотлар Мирзо Улуғбек ўғли номидан қурдирилган Абдулазиз чортоги (1434–1435), унга шимолдан Давлат күшбеги мадрасаси (1812–1813) туташ, унинг қаршисидаги айвонли масжид нақшлар билан безатилган. 40 босқичли тик зинапоя ўрталигининг чап томонида зиёратхона ва гўрхонадан иборат қўшгумбазли мақbara (XV аср) жойлашган. Ўрта гуруҳдаги бинолар: Амирзода, Туғлу Текин, Ширинбека оғо мақбаралари, унинг қаршисида Темурнинг синглиси Туркан оғо, яна 8 қиррали мақbara, Али Насафий мақбараларидан иборат. Юқори гуруҳдаги бинолар: Зиёратхона, уч қисмдан иборат масжид, Хожа Аҳмад мақбараси, 1360–1361 йилларда қурилган мақbara, Туман оғо мажмуаси (1405–1406), 2 та номсиз мақbara (XIV асрнинг охири)нинг киравериш деворигина сақланган. Шунингдек, Тамғоч Буғроҳон мадрасаси (XI аср), Амир Бурундуқ мақбараси (XIV аср охири) кабилардир. Ансамбл таркибидаги 20 дан ортиқ иншоотлар давлат муҳофазасига олинган. XIX асрларда ансамблнинг яна бир неча бинолари барпо этилган. XVIII асрда вайрон бўлган зина ўрнига 40 поғонали ғиштин янги зина қурилган. Ўзбекистон Республикаси Вазирлар Маҳкамасининг 2004 йил 16 июлдаги қарорига асосан Шоҳи Зинда ёдгорлик мажмуасида катта

кўламдаги таъмирлаш ва ободонлаштириш ишлари амалга оширилди.

### ИМОМ МОТУРИДИЙ ЁДГОРЛИК МАЖМУАСИ

И мом Мотуридий ёдгорлик мажмуаси – Самарқанддаги меъморий ёдгорлик. И мом Мотуридий (870–944) таваллудининг 1130 йиллиги муносабати билан Ўзбекистон Республикаси Президенти ташабbusи билан Самарқанд шаҳри марказидаги олдинлари “Чокардиза” қабристони бўлган жойда бунёд этилиб, рамзий мақбараси ўрнатилган (4 гектар). Ёдгорлик Регистон ансамбли яқинида, Вобкент, Фиждувон ва Бухоро кўчалари оралиғида жойлашган. Бош кириш қисми Вобкент кўчасидаги хиёбон орқали. Лойиҳага кўра 3 қисм (марказий, боғ ва хўжалик иншоотлари)-га бўлинган, улар ўзаро бир-бири билан хиёбонли йўлак орқали боғланган. Лойиҳа ўқи манзарали мужассамлиқда яратилиб, рамзий мақbara биносига туташган. Шаршарали фавворалар хиёбонли йўлак марказида қурилиб, атрофи ободонлаштирилган. Ёдгорлик меъморий лойиҳаси ва бадиий ечимида ўзбек миллий маҳобатли санъатининг энг яхши анъаналари қўлланилган. Мақbara пишиқ гиштдан, мураббабъ тархли (12x12 м), шифти гумбазли (баландлиги 17,5 м), пойгумбази 24 кичик равоқчаларга бўлиниб, ганчкори панжаралар билан безатилган. Панжаралар юқориси мураккаб тузилишдаги муқарнаслар билан тўлдирилган. Хона марказига қўйилган сағанага араб ёзуvida буюк олимнинг сўzlари битилган.

### ХОЖА АҲРОР ВАЛИЙ МАЖМУАСИ

Хожа Аҳрор Валий (1404–1490) мажмуаси – Самарқанд туманидаги Улугбек қишлоғи ҳудудида жойлашган, XV асрга мансуб меъморий ёдгорлик. У мадраса, масжид ва минора ҳамда ҳовузли ҳовлидан иборат. Мадраса

1630–1631 йилларда Нодир Девонбеки маблағи ҳисобига қурилган. Хожа Ахрор Валий ўз замонларида бутун Мовароуннахр ва Ҳурносонда машҳур шахс әди. Жуда катта ер-сув, мол-мулкка эга бўлиб, бутун умри, куч-ғайрати ва бор мол-мулкини юрт тинчлиги, ободлиги йўлида сарфлаган. Натижада мамлакатнинг ички ва ташқи сиёсий ҳаётида етакчи ўрин тутган. Хожа Ахрор Валийни оддий фуқаро ҳам, акобир ҳам ўзларига бирдай пуштипаноҳ деб билган. Ҳалқпарвар, дин ва сиёсат арбоби Хожа Ахрор Валий 1404 йил қадим Шошнинг (Тошкент) Бофистон қишлоғида туғилиб, 1490 йилда Самарқандда вафот этган. Тасаввуфга оид бир қанча асарлар ёзган. Унинг “Рисолаи Волидия” асари ҳалқ ичидаги машҳур бўлган.

### МАХДУМИ АЪЗАМ МАЖМУАСИ

Махдуми Аъзам мажмуаси – Самарқанд вилоятининг Даҳбед қишлоғида жойлашган меъморий ёдгорлик (XVI–XIX асрлар). Мажмуа машҳур шайх, сўфиylар намояндаси Махдуми Аъзам (1461–1542) номи билан боғлиқ. Асли наманганлик (Косонсой) бўлган ул зотни Самарқанд ҳокими Жонибек Султон Самарқандга таклиф этган. Ўғли Искандар Султон уни ўзининг пири деб эъзозлаган. Махдуми Аъзам 78 ёшида Даҳбед қишлоғида вафот этган. 1610 йилда Ялангтӯш Баҳодир бошлилигида хонақоҳ ва даҳма қурилган. XVII асрда эса катта масжид қурилган. Кейинчалик Махдуми Аъзам авлодлари ҳам шу ерга дағн қилинганлар. Нодир Девонбеки томонидан атрофи девор билан ўралиб, таъмир ишлари олиб борилган. Мажмуа шимолида Хазира, жанубида катта масжид, ёнида кичик масжид, шарқида дарвозаҳона, чиллахона ва ҳужралардан ташкил топган. 1998 йилда мажмуа қайта тикланиб, атрофи ободонлаштирилди.

## ХОЖА ДОНИЁР МАҚБАРАСИ

Хожа Дониёр мақбараси Самарқанддаги энг мўътабар ва машҳур зиёратгоҳлардан ҳисобланади. Дониёр, Даниил, Даниел – мусулмон, насроний ва яҳудий адабиётларидағи азиз-авлиёнинг номидир.

Дониёр Қуддусда эрамиздан аввалги 603 йилда туғилган бўлиб, шоҳ Довуд ва Сулеймон (Соломон)-ларнинг авлодига мансубдир.

Ривоятларга кўра, Амир Темур ўзининг (1397–1404 йиллар) Кичик Осиёга етти йиллик юриши вақтида Сузашаҳридаги авлиё Дониёрнинг табаррук қўнимгоҳидан бир қисм хокини ўрнатилган тартиб-қоидалар талабини амалга ошириб, Самарқандга олиб келган. Мақбарада дунёдаги энг узун – 18 метрли қабр мавжуд. Мақбара биноси XX аср бошларида қурилган. Шунга қадар бу ерда Хожа Дониёрнинг қабри ва масжид бўлганлиги ҳақида маълумотлар бор.

Мустақиллик йилларида ушбу зиёратгоҳда кенг қўламда ободонлаштириш, таъмиrlаш, қурилиш ва зиёратчилар учун қулийликлар яратиш ишлари олиб борилган.

## ҲАЗРАТИ ХИЗР МАСЖИДИ

Ҳазрати Хизр масжиди Самарқанд шаҳрининг муқаддас зиёратгоҳларидан биридир. У Самарқанддаги биринчи мусулмон масжиди ва меъморий обидаси сифатида эътироф этилади.

Масжидни Қутайба ибн Муслим курдирган, ҳазрати Хизр номи билан аталган. VIII асрда араблар томонидан оташпарастларнинг ибодатхоналари бузиб ташланади. Шутепалиқдаги ибодатхона ўrniga Қутайба ибн Муслим буйруғи билан биринчи масжид биноси қурилади ва ҳазрати Хизр номи билан аталади.

Хожа Дониёр, Қусам ибн Аббос ва ҳазрати Хизр зиёратгоҳлари аслида битта мажмуа бўлган. Масжидга кираверишдаги мармар тошда кўрсатилган “1854 йил” ёзуви унинг Бухоро амири Амир Музаффархон томонидан тикланганлигига ишорадир. 1899 йилда масжиднинг айвон ва дарвозахона қисми қайта қурилган. Дарвоза юзасига ёзилган ҳижрий 1336 йил (милодий 1916–1917 йиллар) ёзуви дарвозахона ва миноранинг қайта тикланган вақтини англатади. Фикримизни хонақоҳ меҳробидаги 1274 йил ҳижрий (1854 милодий йил), 1302 ҳижрий йил (1884 милодий йил) деган ёзувлар исботлайди.

Мустақиллик йилларида ҳазрати Хизр масжиди мамлакат раҳбарияти қўллаб-қувватлаши билан бир неча бор мукаммал таъмирланди, масжид ёнида жойлашган Арзис қудуғи қайта тозаланиб, қадимий ҳолига қайтарилди.

### АМИР ТЕМУР МАҚБАРАСИ

Марказий Осиё меъморчилигининг ноёб асари сифатида эътироф этилган Амир Темур мақбарасининг қурилиши 1403 йилда бошланиб, 1424 йилда тутатилган. Мақбара Амир Темурнинг таҳт вориси, деб эълон қилинган набираси Муҳаммад Султон учун қурдирилган. Муҳаммад Султон 1403 йилда Кичик Осиёга қилган сафари вақтида, 29 ёшида бевақт вафот этади. Шаҳзода Самарқандга келтириб дағн қилинади.

Мақбара саккиз бурчакли гумбаз асосида барпо этилган. Ҳозирги замон мутахассисларини ҳам бирмунча ўйчанлик билан фикрлашга ундейди. Бинонинг мўътадил ҳароратини сақлаш, Шарқона қурилиш услублари орқали эл ардоғида бўлган шахсларни ўзига хос ҳурмат билан улуғлаш, уларнинг буюклигини бежирим безаклар орқали ифодалаш каби хусусиятлари ҳар қандай кишини лол қолдиради. Соҳибқирон

Амир Темур ҳам ушбу мақбарадан (1405 йил) абадий қўйним топган.

1409 йилда Амир Темурнинг кенжা ўғли, Хуросон ҳукмдори Шоҳруҳ Мирзо отасининг маънавий пири Мирсаид Бараканинг жасадини (турбати) Андходан олиб келтириб, шу мақбарага, Соҳибқироннинг бош томонига дафн эттиради. Бу билан отаси – Амир Темурнинг васиятини бажаради. 1424 йилда Мирзо Улуғбек мақбара саҳнига қабртошлар қўйдириб, атрофи нафис мармар тошдан қилинган панжара билан ўрайди ва кўк гумбазли галерея қурилиб, зиёратхонага шарқ томондан кирилиши таъминланди. Мақбаранинг ички томони тилла суви югуртирилган бўртма қофоз нақши билан безатилган.

Безакларда ишлатилган композицияда Қуръони карим оятлари исломий, ҳандасавий нақшлар ҳамда арабий хаттотлик санъатининг каллиграфик нақшлари билан битилган. Мақбарага, шунингдек, Мироншоҳ Мирзо ва Шоҳруҳ Мирзо ҳам дафн этилиб, темурийлар хилхонасига айланган. 1449 йилда Мирзо Улуғбек ҳам шу мақбарага, бобосининг пойига дафн этилган. Мустақиллик йилларида, Соҳибқирон Амир Темур таваллудининг 660 йиллиги ва Мирзо Улуғбек таваллудининг 600 йиллиги муносабати билан мақбарада катта ҳажмда таъмиглаш ишлари олиб борилди. XIX асрнинг охирида қулаб тушган минора ва гумбазнинг зар қуббаси қайта тикланди.

## НОДИР ДЕВОНБЕГИ МАДРАСАСИ

Нодир Девонбеги мадрасаси нақшбандия тарикатининг йирик вакилларидан бири, буюк назариётчи ва нуфузли шайх Хожа Убайдуллоҳ Ахрор зиёратгоҳига яқин жойлашган бўлиб, ҳижрий 1040 (милодий 1631) йил аштархонийлар сулоласининг намояндаси Субҳонқулихон салтанати даврида, Нодирбий Тоғай номи

билин танилган Нодир Мирзо Тоғай ибн Султон Арлот томонидан курдирилган.

Бу мадраса Хожа Ахрор хонақоҳи ёнида жойлашганилиги боис, ҳалқ орасида “Хожа Ахрор мадрасаси” деб ҳам юритилади. Мазкур мадрасанинг Хожа Ахрор Валий хонақоҳининг ёнида барпо қилинишини Нодир Мирзо Тоғай ибн Султоннинг Хожага бўлган чексиз хурмати белгиси, деб тушуниш мумкин.

Нодир девонбеги мадрасаси лойиҳасини ишлашда Регистоннинг Шердор мадрасаси биноси кўринишидан ижодий фойдаланилган. “Иккинчи Шердор” мадрасаси (ҳалқ орасида шундай деб юритилади) 1978 йилда Ўзбекистонда хизмат кўрсатган маданият ходими Абдуғаффор Ҳаққулов ташаббуси ҳамда раҳбарлиги остида қайта таъмирланган. Мадраса пештоқидаги шер суратининг акс эттирилиши, катта ҳовлининг четларидаги ҳужраларнинг жойлашиши Регистондаги Шердор мадрасасининг нусхасини такрорлайди ва ундан фарқли ўлароқ, бу ерда миноралар йўқ. Мадраса бир қаватли қурилган бўлиб, XVI–XVII асрларда кенг тарқалган ҳашаматли ва шарқона тўрт айвонлилик усулида бунёд этилган.

Мадрасанинг пештоқида курилишнинг бошланиш вақтини кўрсатувчи ёзувлар битилган. Улар нақш безаклари билан уйғуналашиб кетган. Бу ёзувларни нақшлар билан ҳашаматлаштириш Хожа Ҳошим ва муҳандис-қурувчи Дўстмуҳаммадлар ижоди ва безак санъатининг намунасиdir.

Мадраса катта масжид, дарсхона вазифасини ўтаган залда, тўртта дарсхона ва 28 та ҳужрадан иборат. Катта зал устида ҳашаматли гумбаз мавжуд.

## МИРЗО УЛУГБЕК МУЗЕЙ-МАЖМУАСИ

Расадхонани Мирзо Улугбек 1429 йилда Самарқанд яқинидаги Кўҳак тепалигига қурдирган. Айланашаклидаги уч қаватли бино асосининг эни 60 метр бўлган. Марказидан жануб-шимол йўналишида, узунлиги 40 метрли кўшалоқ ёй шаклидаги квадрант барпо этилган. Квадрант айлананинг тўртдан бир қисми бўлиб, 90 даражали ёйни англатади. Расадхона квадрантининг остки қисми қояни кесиб, 11 метрли чуқурликка жойлаштирилган. Квадрантнинг тела қисми ер сатхидан 31 метр, ҳозирги ўлчов билан 10 қаватли бино баландлигича кўтарилган.

Расадхонага юзма-юз қилиб, ўша даврларда ёқ дунёни ўзига қаратган Регистоннинг бир бўлагини ўзида ифода этган музейнинг 2010 йилда бунёд этилган биноси викор тўкиб турибди.

Музейнинг қисми Ўзбекистон халқ рассоми А. Икромжонов мўйқаламига мансуб Мирзо Улугбекнинг портрети ва Ўзбекистон Республикаси Президенти Ислом Каримовнинг Мирзо Улугбек ҳақидаги сўзлари билан бошланади.

Музей экспозициясида Соҳибқирон Амир Темур давлатчилигига оид харита, Европа давлатларининг қироллари томонидан ёзилган хат нусхалари намойиш этилган. Ўз асрининг буюк астрономи Мирзо Улугбекнинг туғилишига оид миниатюра нусхаси, Улугбек даври фани ва маданияти ривожига улкан ҳисса кўшган улуғ олимлар Жалолиддин Румий, Али Қушчи портретлари ва ўша даврда зарб қилинган тангалар экспозиция мазмунини бойитган.

Расадхона тарихи билан боғлиқ вақф ҳужжати на-мунаси, меъморлар Нильсен, Г. Пугаченкова, М. Булатовлар томонидан тайёрланган расадхона макетлари томошабинлар диққатини тортади.

Мирзо Улуғбекнинг XVII асрда жаҳоннинг буюк астрономлари даврасида тасвиrlанган линагравюра, буюк олим қаламига мансуб “Зиж” асари ҳамда кенгликлар даражаларини аниқлашда қўлланган макетлар лойиҳаси, қибланомалар экспозициядан ўрин олган.

2009 йилнинг апрель ойида Қашқадарё вилоятининг Китоб тумани кенгликлари “Майданак” фазони кузатиш расадхонасида янги сайёра аниқланиб, жаҳоншумул воқеликка асос солинди. Ушбу сайёрага мухтарам Президентимиз Ислом Абдуғаниевич Каримов таклифи билан “Самарқанд” номи берилди. Экспозицияда ана шу кенгликда олинган “Самарқанд” номи билан аталувчи сайёра сурати ҳам ўрин олган.

### БИБИХОНИМ ЖОМЕ МАСЖИДИ

Амир Темур жоме масжиди Марказий Осиёдаги энг йирик иншоотлардан бири ҳисбланади. Тарихчи Фиёсиддин Али Яздий “Зафарнома” асарида “...801 йил Рамазони шариф ойининг тўртинчи кунида (милодий 1399 йил, 10 май) Амир Темур масжид учун пойтахтнинг энг яхши жойини танлади. Машҳур устлар ва меъморлар бу улкан иморатнинг лойиҳасини туздилар ва энг саодатли кунларда унинг пойдеворини куришга киришдилар”, деб ёзib қолдирган.

Соҳибқирон Амир Темур масжид қурилиши вақтида ҳарбий юришларда бўлганлиги боис қурилишга Сароймулхоним – Бибихоним раҳбарлик қилганлиги учун эл ичиди Бибихоним масжиди деб юритилади.

Бибихоним жоме масжидининг умумий саҳни 167x109 метр бўлиб, бурчакларида баланд миноралар бўлган ва улар бизга номаълум сабабларга кўра бузиб юборилган. Ҳозирги вақтга келиб бу миноралар қайта тикланди.

Таъмиrlанишга қадар жоме масжиди бир-бири билан боғланмаган 6 та меъморий бўлаклардан иборат бўлган. Масжиднинг ҳовли саҳнига мармартош тахталар ётқизилган.

XV аср ўрталарида Мирзо Улугбек фармонига биноан ҳовли ўртасида мармар тошдан ясалган улкан лавҳ ўрнатилган. У Қуръон ўқиладиган махсус курси бўлиб, дастлаб асосий бино ичидаги турган 1875 йилда катта гумбазнинг қулашидан хавфланиб, ҳовли ўртасига чиқарип қўйилган. Лавҳнинг атрофи нафис ҳошиялар, муқарнаслар, ўсимликсизмон нақшлар ва ёзувлар билан безатилган.

Жоме масжиди пештоқи маҳобатли бўлиб, ўртасида кенглиги 18,8 метрли равоқ мавжуд. Ён томонларидаги миноралар пештоқдан баланд бўлган. Пештоқнинг ички томонида кичикроқ (иккинчи) равоқ ўрнатилган. Равоқнинг ёnlари ўймакор мармар тошлар билан безатилган. Унинг устидаги лавҳасида масжиднинг қурилган йили ва Амир Темур шажараси ёзилган.

Кўш табақали дарвоза эса етти хил темир қотишмаси, “ҳафт жўш” дан ясалган. Жоме масжидининг асосий (мехробли) биноси Амир Темур замонасининг меъморий услублари тўғрисида маълумот беради. Масjid гумбазининг доира асосли сиртига муқаддас Қуръон оятлари битилган бўлиб, гумбаз феруза кошинлар билан пардозланган.

Масjid ёнидаги икки кичик бино меҳробли хонанинг асосан кичик ҳажмдаги такрори бўлса-да, нақшларининг соддалиги ва гумбазининг кунгурали экани билан фарқ қиласи.

Жоме масжидининг ички қисмини пардозлашда наққошлик безаклари қаторида зарҳал бўртма гулқофоздан фойдаланилган.

Бибихоним жоме масжидида кейинги даврда таъмиrlаш, тиклаш бобида туб ўзгаришлар амалга оширилди ва бу ишлар давом эттирилмоқда.

## СОЛИХ КИШИЛАР ВА ДҮСТАРНИ ЗИЁРАТ ҚИЛИШ

Солиҳ кишилар, дүстлар, құшнilar, қариндошларни зиёрат қилиш, уларга меҳр улашиш суннат амалдардандир. Бунинг учун уларни хурсанд қиладиган, малоллантиrmайдиган вақтни танлаш лозим бўлади. Агар зиёрат қилинаётган кишига оғир ботмайдиган ҳолат бўлса, зиёратни кўпайтириш мустаҳаб бўлади. Ҳадисда келадики, Абу Ҳурайра (розияллоҳу анху)дан ривоят қилинади: Набий (соллаллоҳу алайҳи ва саллам): “Бир одам қишлоқдаги биродарини зиёрат қилди. Аллоҳ таоло унинг кириш жойига бир фариштани юборди. Бас, у:

– Қаерга кетяпсан? – деди.

– Шу қишлоқдаги биродаримникига, – деди у одам.

– Унда сенга бир неъмат бор-у, ўшани ислоҳ қилмоқчимисан?” – деди фаришта.

– Йўқ! Мен уни Аллоҳ учун яхши кўраман”.

– Мен сенга Аллоҳ таолонинг элчисиман. Албатта, уни яхши кўрганингдек, Аллоҳ ҳам сени яхши кўради”, – деди фаришта.

Ҳадиси қудсийда:

«Менинг йўлимда дўст тутинганларга муҳаббатим тайиндир. Менинг йўлимда ўзаро насиҳатлашган кишиларга муҳаббатим ҳақдир. Менинг йўлимда бир-бирларини зиёрат қилувчилар учун муҳаббатим ҳақдир», дейилган.

Юқорида келтирилганлардан кишилар бир-бirlарини зиёрат қилишларининг нечоғли аҳамиятли экани келиб чиқмоқда.

Анас (розияллоҳу анху)дан ривоят қилинган ҳадисда Расулуллоҳ (соллаллоҳу алайҳи ва саллам): “Агар ҳузурингизга зиёратчи келса, уни хурмат қилинглар”, деб айтганлар. Бу ҳадисдан эса зиёрат қилинган киши ҳам зиёрат қилувчиларнинг хурмат-иззатини жойига қўйиши лозимлиги келиб чиқмоқда.

## БЕМОРНИ ЗИЁРАТ ҚИЛУВЧИГА ТАВСИЯЛАР

1. Зиёрат холис Аллоҳ таолонинг розилиги учун қилиниши керак. Үнда риё, хўжакўрсинглик, бирор-бир дунёвий манфаат кўзлаш ёки шунчаки вақт ўтказиш бўлмаслиги лозим.

2. Зиёратчи зиёратнинг умумий одобларига риоя қилиши лозим, масалан, эшикни оҳиста қоқиши, ўзини танишириши, хонага киргач, ҳаммаёққа аланг-жаланг қилиб разм солмаслиги, балки нигоҳини қуириқ қилиши лозим.

3. Бемор безовта бўлмаслиги ёки заарланмаслиги учун зиёрат муносиб вақтда амалга оширилиши талаб этилади. Масалан, одатда ёзда қоқ туш пайтида, Рамазонда қундузи зиёрат қилинмайди. Бемор касалхонада бўлса, ташриф дам олиш соатида, ёхуд айни муолажалар оладиган вақтда бўлмаслиги ҳам мақсадга мувофиқдир.

4. Бемор юзига табассум билан боққан ҳолда, салом берилади, қўл бериб кўришилади. Агар у хавфли бир юқумли касаллик билан оғриган бўлса, қучоқлашилмайди. У билан ширинсуханлик ва самимият билан сұхбат қурилади. Зиёратчи bemордан ҳол сўраши, ўзининг умидбахш сўзлари билан унинг дардини енгиллатишга, дилига шодлик олиб киришга ҳаракат қилмоғи лозим.

5. Агар bemор ўрнидан туролмайдиган ёки туриш тақиқланган бўлса, зиёратчи бош томонидан унга яқин ўтириб, қўлини унинг пешонасига қўйган ҳолда ҳолаҳвол сўрайди. Бемордан нима хоҳлаётганини, нима егиси келаётганини сўраш ва қандайдир истаги бўлса, амалга ошириш нур устига нурдир.

6. Зиёратчи касалдан: “Тузукмисиз?”, “Аҳволингиз қандай?”, “Ўзингизни қанақа ҳис қиляпсиз?”, каби саволлар билан ҳол сўраши ҳам машрудир. Набий

(алайхиссалом)нинг мазкур маънодаги саволларни бериш орқали бемордан ҳол сўраганлари событ бўлган.

7. Касал кўргани келган киши беморга Фотиха, Ихлос, Фалақ ва Нос суралари каби руқия ҳисобланувчи суралар билан дам солиб, маъсур дуолар ила унинг ҳаққига дуойи хайр қилиши мустаҳаб амаллардан саналади. Ойша онамиздан (розияллоҳу анҳо) ривоят қилинади: “Расулуллоҳ (соллаллоҳу алайхи ва саллам) бирорта беморни кўргани борсалар ёки У кишининг ҳузурларига бемор келтирилса, шундай дуо ўқирдилар:

رَبَّ النَّاسِ أَذْهِبْ الْبَأْسَ ، وَأَشْفِ أَنْتَ الشَّافِي ، لَا شِفَاءَ إِلَّا شِفَاؤُكَ  
شِفَاءً لَا يُغَادِر سَقَمًا .

Маъноси: “Эй инсонларнинг Раббиси Аллоҳ, (бу инсондан) дардни арит, унга шифо бер, зеро, Сен Ўзинг шифо берувчисан, Сенинг шифоингдан ўзга шифо йўқдир. Унга бирорта касаллик ва иллатни қолдирмайдиган даражада комил шифо бергин!” (*Муслим ривояти*).

Шунингдек, касалга уч марта шифо сўралади. Пайғамбаримиз (алайхиссалом) Саъд ибн Абу Ваққос (розияллоҳу анҳу)ни зиёрат қилганларида уч марта: “أَللَّهُمَّ اشْفِ سَعْدًا” “Аллоҳумма-шфи Саъдан” (Эй Аллоҳ, Саъда шифо бер!), дея дуо қилдилар (*Бухорий ва Муслим ривояти*).

Ойша онамиздан ривоят қилинади: “Набий (соллаллоҳу алайхи ва саллам) хасталанган вақтларида ўзларига “Муаввизот”ни ўқиб дам солардилар, дард ва оғриқлари кучайиб кетгандан сўнг, у кишига мен ўқирдим ва баракасидан умид қилган ҳолда, қўлларига дам солиб, кейин у кишининг қўлларини ушлаб баданларига суртардим”.

Ибн Аббос (розияллоҳу анҳумо) Пайғамбаримиз (алайхиссалом)нинг бундай деганларини ривоят қилади: “Қайси бир мусулмон банда беморни зиёрат қилар экан, унга етти марта:

## أسأل الله العظيم، رب العرش العظيم أن يشفنيك

Буюк Аршнинг эгаси бўлмиш Улуг Аллоҳдан сенга шифо беришини сўрайман, деб айтса, албатта унга шифо берилур” (Аҳмад ва Абу Довуд ривояти).

8. Зиёратчи беморни уринтириб қўймаслик, зериктириб юбормаслик унинг унинг ҳузурида жуда узоқ ўтириб қолмаслиги лозим. Аммо беморнинг ўзи зиёратчини яхши кўрганидан, у билан кўпроқ суҳбатлашгиси келганлигидан яна бироз қолишини илтимос қиласа, унинг ўтинчини ерда қолдирмаслик афзалдир. Чунки баъзан бемор ўзи яхши кўрадиган айrim кишилар билан узокроқ гаплашиб, кўнгил чигилини ёзгиси келади. Қисқаси, бу масалада ҳолат тақозосига қараб йўл тутиш маъқул саналади.

9. Зиёратчи беморнинг соғайишига бўлган умидини кучайтириши, ушбу мусибатида сабр билан безанишга чорлаши ва умидсизликдан қайтариши лозим. Чунки касалликка сабр қилиш ва Аллоҳдан енгиллик бўлишини кутиш кишига ажр-савоб келтиради ҳамда хайрли оқибатга сабаб бўлади. Аксинча, сабрсизлик ва ноумидлик туфайли инсон гуноҳкор бўлиши билан бирга ўз саломатлигига ҳам ортиқча зиён келтиради.

10. Шунингдек, зиёратчи беморга таскин ва тасалли бериши, албатта соғайиб кетиши ва Аллоҳ хоҳласа, ҳали кўп яшаши ҳақида гапириб, кўнглини кўтариши лозим. Бу борада қуидаги ҳадис ворид бўлган:

إِذَا دَخَلْتُمْ عَلَى الْمَرِيضِ فَنَفْسُوا لَهُ فِي أَجْلِهِ فَإِنْ ذَلِكَ لَا يَرُدُّ شَيْئًا  
وَيُطَبِّبُ نَفْسَهُ

Маъноси: “Бемор ҳузурига кирганингизда унга тасалли беринг. Бу албатта қазони қайтармайди, лекин унинг кўнглини хуш қиласди” (*Термизий ривояти*). “Унга тасалли беринг”, дегани беморга умри, иншоаллоҳ, узун бўлиши, ҳали кўп яшаши ва бу дарддан албатта фориг бўлиб, тузалиб кетиши ҳақида таъкидлаб, кўнглини

күтаринг, деган маңноларни англатади. Гарчи мазкур ҳадис иснодини айрим уламолар заиф десалар-да, лекин унинг мазмунига маълум миқдорда далолат қилиб, маъноси дурустлигига гувоҳлик берувчи бошқа ривоятлар ҳам бор. Жумладан, Имом Бухорий ривоят қилишича, Пайғамбаримиз (соллаллоҳу алайхи ва сал-لام) bemорни зиёрат қиласалар: “لَا يَأْسُ، طَهُورٌ إِنْ شَاءَ اللَّهُ” “Лаа баъс, тоҳур, иншоаллоҳ”, яъни “Зарари йўқ (тузалиб кетасиз), иншоаллоҳ, бу касаллик туфайли гуноҳларингиз ювилади”, деб айтардилар.

11. Зиёратчилар bemор ҳузурида шовқин-сурон кўтармасликлари, бир-бирлари билан талашиб-тортишмасликлари лозим. Зеро, бу иш bemорга азият етказади. Бордию, шундай ҳолат рўй берса, bemор улардан кетишларини талаб қилишга ҳақли бўлади.

12. Юқумли касалга мубтало бўлган киши бошқа бирорни – хоҳ у bemор бўлсин, хоҳ соғлом бўлсин – зиёрат қилишдан сақланиши лозим. Чунки бундай киши bemорни зиёрат қилганида ўша касаллиги зиёрат қилинаётган кишига юқиб қолса, bemорнинг бир дарди иккита бўлиб, аҳволи оғирлашиши мумкин.

13. Қодир бўлган киши bemорга нимадир ҳадя қилса, нур устига нур бўлади. Чунки бу ишда унга нисбатан меҳр ва ҳамдардлик изҳори намоён бўлади.

14. Зиёратчи bemордан ўз ҳаққига дуо қилишини сўраши ҳам мустаҳаб саналади.

## Мундарижа

Зиёрат .....	3
Зиёратгоҳлар фазилати.....	4
Ислом динида зиёратга бўлган муносабат .....	6
Зиёрат одобларига зид ишлар.....	8
Зиёрат қилувчи эътибор қаратиши лозим бўлган жиҳатлар .....	9
Ота-онанинг вафотидан кейин уларга қилинадиган яхшиликлар .....	21
Қабристонларни обод этиши – ўтганларнинг руҳи покларини шод этишидир .....	23
Муқаддас зиёратгоҳлар ва қадамжолар .....	26
Ҳадис илмининг сultonи .....	27
Регистон мажмуаси .....	34
Шердор мадрасаси.....	34
Улуғбек мадрасаси .....	34
Шоҳи Зинда мажмуаси .....	35
Имом Мотуридий ёдгорлик мажмуаси.....	36
Хожа Аҳрор Валий мажмуаси.....	36
Махдуми Абзам мажмуаси .....	37
Хожа Дониёр мақбараси .....	38
Ҳазрати Хизр масжиди .....	38
Амир Темур мақбараси .....	39
Нодир Девонбеги мадрасаси.....	40
Мирзо Улуғбек музей-мажмуаси .....	42
Бибихоним жоме масжиди .....	43
Солиҳ кишилар ва дўстларни зиёрат қилиши .....	45
Беморни зиёрат қилувчига тавсиялар .....	46

*Қайдлар учун*

*Диний-маърифий нашр*

## **Зайниддин ЭШОНҚУЛОВ**

### **ЗИЁРАТ ОДОБЛАРИ**

*Муҳаррир* Жамшид ШОДИЕВ

Муҳаммадсиддиқ РАҲМАТОВ

*Бадиий муҳаррир* Элнур НИЁЗ ўғли

*Саҳифаловчи* Наргиза МИРЗАЛИЕВА

*Мусаҳҳиха* Нодира ОХУНЖОНОВА

Нашриёт лицензия рақами: AI 146. 2009.14.08.

Босмахонага 2015 йил 8 июнда берилди. Босишига 2015 йил 10 июнда  
руҳсат этилди. Офсет қофози. Қоғоз бичими 84 x 108  $\frac{1}{32}$ .

Харф гарнитураси PT Serif. Офсет босма усули.

Ҳисоб-нашриёт т.: 3,25. Шартли б. т.: 4,0. Адади: 2000 нусха.  
\_\_\_\_\_ -сон буюртма. Баҳоси келишилган нархда.

“Movarounnahr” нашриётида тайёрланди.

Нашриёт манзили: 100002, Тошкент шаҳар

Зарқайнар 18-берккӯча 47а-үй.

Электрон почта: *m-nashr@yandex.ru*.

Тел: (8-371) 227-34-30

“Муҳаррир” нашриёти босмахонасида чоп этилди.

Тошкент шаҳар. Элбек кўчаси 8-үй.